

# *TEROMPETA E HLAHISA*

## *MOLUMO O SA KHETHOENG*

 Ke u leboha haholo, Moena Demos. Ke monyetla ho kena mona phuthehong ea Mokreste bosiung bona, tlase mona naheng e letseng lehloa. 'Me ke letselitse lapeng, nakoana e fetileng, 'me ho futhumetse ho feta ka digarata tse mashome a mabeli, holimō koana Leboea, ho feta tlase mona. E tšoanelā e be e tlie le 'na. Ke tla potlaka ke tsoe le ho khutla hape, ka potlako ruri. Limela tsohle li a hoama. U nahana'ng ka eona, Creechy? Ke e... [Moena o re, "Ho a bata."—Mohl.] Ehlile ke eona.

<sup>2</sup> 'Me ke thabetse ho kōpana le molisa enoa ea khabane, bosiung bona, le ho bona lōna batho. Ke sa tsoa kena, nakoaneng feela. Ke tsoa holimō koana Tucson, ke ne ke tlamehile ho ea kajeno. Ke khannile ke theoha maobane bosiu, le ho kena ha e batlide eba mashome a mararō ka mora hora ea bobeli hoseng hona, tlase Tucson. 'Me eaba ke tsohile letšehare lohle, tlase mono. Le ho tloha metsotsong e 'maloa feela... Be, ke sa tsoa kena, nakong e batlang e etsa hora le halofo, ke a kholoa, ntho e kang eo, holimō mona. Ha ke a robala hakaalo. Empa ke tla leka ho se robale mona. Empa re a—re thabetse ho ba mona.

<sup>3</sup> Moshanyana enoa, ea ntseng a bapala ka limaekrofounu tsena mona. Ke ne ke lutse morao mane, holim'a e... se seng sa litulo tsa bana. Eaba ho tla moshanyana, a ncheba a hloletsoe ruri. Ka re, "Rōna bohole bana re ka lula 'moho, ha ke re?" Joale, ke hlile ke rata bathoana bao, le hona.

<sup>4</sup> 'Me ke, oh, ehlile ho monate ho fihla mona bosiung bona, le ho lula le letšoele lena la batho le emeng kamathoko. 'Me joale ke tšepa Moena Williams a le boleletse eona kaofela, le Moena Rose mona, ka seboka se tlang. Ke kholoa le tseba hantle ka sona. Ho ba Ramada, hang feela, seboka sa Banna Borakhoebo. 'Me re lebeletse nako e khōlō mono. Moena Velmer Gardner, sebui se khabane, se sefutho; le bareri ba bang, Oral Roberts le ba bangata, ba tla ba teng mono. 'Me re lebeletse nako e khōlō ho Morena.

<sup>5</sup> Ke a tšepa, khetlo le leng lena, re tla tšoara tšebeletso ea pholiso tulong eo. Uh-huh. Ke rata ho fumana Moena Oral, 'me re kōpane. E, monghali. Na ho ke ke ha babatseha feela? Ekaba e—e ho pshatla hamannete kahare, ho ke ke ha eba joalo? Tšebeletso ea pholiso, tlase kahara Ramada, ho ka ba hotle. Re... Ka hona re ka etsa seo, le a tseba. Morena a ka re hlahisetsa eona, ho tšoara tšebeletso ea pholiso. Ka hona re tla... Ho likoloha hohle joale, ho tloha kerekeng ho ea kerekeng, ho leka ho jala litaba

tse molemo, le ho ikamahanya le e mong le e mong, le ho kenela setsoalle le likereke tsohle tse fapaneng. Ke seo re lumelang ho sona, re bang, ka ho Kreste.

<sup>6</sup> Ke qoqile le ngaka letsatsi le leng. Ke itlhapisetsa ho ea mose ho maoatle, 'me u tlameha ho fetisoa hlahllobong ea 'mele. Ka hona eaba ke kenela hlahlolo. Ebile o mphethisa leqhubu le leng leo . . . ka . . . Le se mpotse seo le leng sona. 'Me a fihlela ntho e makatsang. 'Me a khutla a sa khone ho utloisia, a ntoo bitsa lekhotla la lingaka, 'me a sa e utloisia feela. A re, "Ha ke eso bone ntho eo pele." 'Me a ntšupisa setšoantšo sa eona, ka tloaelo ho fumanoa lefatše la pele, u ntano ba le lefatše labobeli, 'me a arohane le leng ho le leng. Empa a lemoha hobane a ka a ne a kōpane hantle mmoho. Ho re, "U mothaka ea mokhelo ruri."

Ka re, "Haesale ke tsebile hoo. Mang le mang o etsa joalo."

<sup>7</sup> Ho re, "Ha re eso bone seo pele." Ka hona a mpolella ka eona.

<sup>8</sup> Ka re, "Be," ka re, "u a tseba, ke a kholoa Morena ea lōkileng, ha U re bopa, O re bopa re fapane hanyenyane. Ha re tšoane, 'me ka linako tse ling ebile ha re itšoare ka ho tšoana. Empa—empa O e bopela Oona, ka mokhoa oo O e etsang kateng. Re mpa re kena machining a maholo feela a bopella, 'me re itulele ka khutso feela, O tla re bopella kamoo O re batlang."

<sup>9</sup> 'Me ke—ke tseba ho se mang ea batlang ho ba letho lesele haese seo u leng sona. Ntho e le 'ngoe eo bohle re ka e lakatsang . . . Hoba re pholosoe re fetoha bana ba Molimo, hoo re ho batlang ho le hong hong ke ho tsamaea haufi letsatsi ka leng. Ke seo re se labalabelang, setsoalle se seholo seo. Ho babatseha hakakang! Na u ka ema oa nahana seo re ka beng re se etsa holane re sa rua seo? Eng—eng . . . Holane tšepo e khōlō eo e ne e sa aha ka ho rōna, re ka be re etsa'ng?

<sup>10</sup> Ke ne ke bua, ho e 'ngoe ea likereke, na nka . . . Pele, tulong e 'ngoe, e ntoo ba e 'ngoe, 'me ka etsa tlhahiso naheng khetlo le leng, ke hopotse ho e phetha hona kerekeng eo. Empa e ne e le ha ke tsoa moahong moo ke neng ke batla ke robetse ke imetsoe haholo, mabapi le batho bana mona ba chaeang chao e ncha ena ea bona, ba e bitsa twisti, kapa ho hong. 'Me ka re, "Ke mpa ke sa tsebe, lebaka leo lefatše, batho ba batlang ho roba meomo ea bona le—le ho itshoara joalo."

<sup>11</sup> Ka hona, mothaka e mong, a batla a le lilemo tse mashopeli-tšeleta, mashopeli-supā, a kōpana le 'na kamorao, ho re, "Bea butle nakoana, Mongh. Branham."

Ka re, "E, monghali?"

A re, "U a tseba, u mpa u sa utloisia feela."

Ka re, "Ke tšepa ke sa tl'o hlola le ka mohla."

<sup>12</sup> Ka hona a re, "U a bona," a re, "ke bona ntlha ea hau." Ho re, "U monna oa lilemo tse mashome a mahlano. Empa holane u le thaka ea ka, ho ka be ho fapane."

<sup>13</sup> Ka re, “Ema motsotso.” Ka re, “Ke ne ke rera Evangelie ke le lilemo tse leshome katlasana ho uena. Ke sa ntse ke lumela Evangelie eona eo. Ke fumane ntho e tlatsang sebaka, le nyakallo e fetisang ho sebeletsa Morena ho feta lintho tseo diabolosi a ka li qhotsang hohle.” Ke e... E hlahisa khotsofalo.

<sup>14</sup> Le a tseba, Davida o boletse, khetlo le leng, “Joalokaha khama e tsetselela metsi a molatsoana, moea oa ka o nyoretsoe Uena, oho Molimo.”

<sup>15</sup> ’Me haeba le ka bona le leng la mathaka ao, mohla le—le lemetseng; ekaba lintja li ile tsa e tšoara, ’me tsa libola leqahali lephakong la eona, kapa se seng. E lutla mali. ’Me, eona, lintja li ka latela mohlala oa eona. Ha e tšoane le motho. ’Me e khona ho tsoma khama eo ebang e lutla mali kapa che. ’Me ka hona mokhoa o le mong... Haeba khama e lutla mali, tsela feela ea ho phela ha e fumana metsi. ’Me ha e ka fumana metsi le ka mohla, e tla noa metsi ao. A tla emisa mali a fophang, ’me—’me e ka phonyoha. Ehlide e bohlajana.

<sup>16</sup> Empa u ka nahana, ho bona le leng la mathaka ao le lemetsse le fopha mali, kamoo le lelalang le sunya hlohoana, ka thusakutlo eohle ea lona ho fofonela metsi, ka nko ea lona. Feelia, le tlameha ho itholla metsi, kapa ho timela. ’Me joale ke bophelo le lefu, ho lona. Lona, nthoana feelia ka ’ngoe—ka ’ngoe—ka ’ngoe ea monko oa eona, le ntse le leka, le a lakatsa. Le tšoanelia ho a fumana.

<sup>17</sup> Joale, re tlameha ho nyoreloa Molimo joalo. Le a bona? “Joalokaha khama e tsetselela metsi a molatsoana, moea oa ka o nyoreloa Uena, oho Molimo.” Ho patoa le Oona nqa e ’ngoe, ke takatso ea pelō ea me. Le ho tšepa e le eona takatso ea bohle ba leng ka mona bosius bona.

<sup>18</sup> ’Me joale, bosiu kamorao ho bosiu, ’me ke rata ho bona sena. Lifahleho tsee u li boneng nqa e ’ngoe, u li bona ho e ’ngoe. Ke—ke rata seo. U itšupa botsoalle ba hau, le ho taka seo re se tletseng mona.

<sup>19</sup> ’Me, oh, ruri nka thabela ho bona tsoseletso ea mehla-eakhale Phoenix. Oh, banna! Lentsoe leo *Phoenix* ke le tsotile haesale ke bala ka lona la ho qala, ka eona: Phoenix, Arizona. Khele, boshanyaneng, ka nahana, “Hola feelia nka fihla setšeng seo! Ha nka fihla mono le ka mohla, Phoenix!” ’Me joale ho e bona, ’me mohla re fihileng mona re e bona e hohlometse matebong a sebe, e itšoanelia le litulo tse ling, bahahlauli ba horometseha ba kena; le ho noa, botahoa bo bohlasoa, boitšaro bo hananang le hloeko, ntho eohle e lehlakoreng lohle.

<sup>20</sup> Empa, koana, hara tseo tsohle, u fumana mahakoe a makhonthe ao Molimo o a phophothileng lehoatateng lena mona, a k’hat simang moqhakeng oa batho ba Molimo ba khanyang. ’Me ke morero oa ka mona, bosius bona, ho ema ’moholo le lōna baena ba ka le lōna likhaiseli, ho leka ho chabisetsa ba bang Leseli la Morena Jesu, hore ba tle ba finyelloe, hape, phuluehong

e khõlõ ena. 'Me bongata bo sa le teng kantle mane le joale. Ke khotosfaletse seo. Ba bangata ba tlameha ho kena, 'me re tšoanelo ho etsa sohle ho ba fihlisa mono, le ho phela bophelo bo tlang ho halimisa Kreste.

<sup>21</sup> Joale, pejana feela re bala mongolo oa Lengolo... Ke kene morao ka ntoo khoaritsa lintlha tse 'maloa, nakong e batlileng ho ba metsotsotso e mehlano. 'Me federale ea lekhetho e ne e khutlisitse litatamente tse itseng, ka tlameha ho kena hang, 'me se tlameha ho tlapiroa ke poso, ke a kholoa, mohlomong kajeno, le hona. 'Me ke tlameha ho ea posong. 'Me ha ke kena, Billy a re, "U mpe u potlake." 'Me ka hona mona...

<sup>22</sup> Ke sa tsoa likoloha feela, le ho likoloha, likoloha, le mathaka ao. Khele, oh, banna! Ba bua ka toka menyakong ea lekhotala. Ke a ipotsa e kae. E. Ha ke eso bone ntho e joalo. 'Me ba mpatlile ke lefe lekhetho la cheke ka 'ngoe eo ke e filoeng lilemong tse mashome a mahlano tse fetileng, ho lefella melato ea letšolo, e akha botlokotsebe kahare, le a bona, didolara tse likete tse makholo a mararo le mashome a mahlano a metso e mehlano.

<sup>23</sup> Ka re, "Le ka mpa la nthunya." Ebe nka e khona joang? Ka re, "Ke batla ke sa boloka le lisente tse fetang mashome a mahlano le metso e mehlano." Ka re, "Ebe nka e khona joang le ka mohla?" 'Me ba patisa nko ea ka lebiling lilemo tse hlano.

<sup>24</sup> Ka hona, ka batho ba nokelang. Joalokaha, re tšoere letšolo, 'me—'me batho, ba tseba lebitso la ka feela e le William Branham, ba ngola cheke ea litjeho feela. E laoloa ke bareri. Ha ke eso phuthe monehelo bophelong ba ka. 'Me ka hona ba fumana... Ke fumana e—e moputso ho kereke ea heso, didolara tse lekholo ka veke.

<sup>25</sup> 'Me monehelo ona... Empa e mong le e mong, le a bona, ba e nokela... 'Me hoseng ho hlahlamang, e—e—e—hlooho ea komiti ea lichelete, e ne e fihla e re, "Moena Branham, u tlameha ho tekena licheke tsena." 'Me, khele, ke li tekena feela. A ntoo li nehela. Eaba ba hlahloba tsela eohle, 'me ha ho le sente e sebelisitoeng molemong oa ka. Empa enereha ke tekena cheke eo, ba e bitsitse ea ka. Ke batho ba 'nehetseng eona, ka ntoo e nehela kereke. Oh, banna!

<sup>26</sup> Ka ikutloa hampe haholo, pele, ka ntoo fumana hobane monna e mong le e mong ka Bibeleng, ke a lumela, ea kileng a tšoara phaposi ea Molimo ea moea, o ne a hokahantsoe le mebuso ea federale. Khutla u hlahlobe u fumane. Ke hantle. Moshe, Daniele, Johanne Mokolobetsi. Jesu Kreste o bolauek ke letsogo la 'muso oa federale, tlas'a kahlolo ea lefu. Petrose, Jemese, Johanne, Johanne mosenoli, bohole, mang le mang... Bohle ba hlorisitsoe.

<sup>27</sup> Hobaneng? Ke setulo sa Satane. Na le tseba seo? Na le a tseba, Satane o nkile Jesu a Mo supisa mebuso eohle, lefatše, nakoaneng ea motsotsotso feela? 'Me o itse, "Ke ea ka. Ke etsa ka

eona ka boithatelo ba ka. Le a bona? 'Me ke tla U neha eona ha U ka nkumamela." Le a bona ke ea mang? Ha re batle ho nahana joalo ka oa rōna, empa o joalo.

<sup>28</sup> Ka hona A re, Jesu o itse, "Tloha mona, Satane." O tsebile hore E tla ba mojalefa oa eona, Lilemong tse Sekete. O tsebile hoba e tla oela ho Eèna mohla... Mohla, holane linaha tsena li busoa ke Molimo, Lilemo tse Sekete li ka be li kene. Empa nako e tla ba fihla.

<sup>29</sup> Ba theile li-U.N. le Diligie tsa Lichaba, le ntho eohle, ho leka ho hlahisa khotso. Empa ha feela Satane a lutse hlorong ea eona, le lipolotiki, ho tla etsahala'ng? Ba tla 'na ba loana ruri.

<sup>30</sup> Empa nako ea tla mohla libetsa tsohle li qhobeloaeng. 'Me ho tla letsoa litepe, 'me ho chabe hoseng hoa Bohloleho, ho hlakileng ho phatsimang. Khosi ea rōna o tla hloa terone ea Hae. Oh! Ho tla binoa; ho hlabjoe litlatse. 'Me folaga e be 'ngoe, batho ba le bang, sechaba se le seng, se buang puo e le 'ngoe, ea Leholidmō. Amen. Ke tsetselela mohlang oo. 'Me ke phehella pheo eo ka matla, ka ho tšepa Molimo, tsatsi le leng mohla e fetileng, nka re... Nka Mo utloa a re ho 'na, "Nyolohela koano."

<sup>31</sup> Ke mona Phoenix bosius bona ka Lebitso la Morena. Nke ke—nke ke ka leka ho hhalosa se hlahileng. Bongata ba lōna ba nkang liteipi, le kholisehe ho fumana eo, *Ke Nako Efe, Monghali?* E ne e le pele ke tloha lapeng. Ke rometsoe mona ke pono; ke, ha ke tsebe letho... Ha ke... Ha ke mohoebi oa liteipi, 'me ha ke toboketse lintho tseo. Re a li fumana, 'me re na le khoebo ea liteipi lefatše ka bophara. Motšeob koana likhoeng nqa e 'ngoe, ba sunya seloana litsebeng tsa bona, ba tšoere, 'me ba ka e hatisa teiping, le ho ema mono ho toloka ka leleme la bona hantle. 'Me o haola ka lefatše lohle.

<sup>32</sup> 'Me, empa eo nkileng ka ba le eona, eo *Ke Nako Efe, Monghali?* Kapa, *Na Ebe Ke Nako, Monghali?* Ntho... 'na... Moqebelo bosiu, liveke tse tharo tse fetileng, mane kerekeng. Hoba ke bone lipono bophelong ba ka bohole, ha ke eso hlaheloe ke letho le kang lena pele, bophelong ba ka. 'Me ha ke tsebe seo e leng sona. Ke mpa ke lutse mona, empa O nthometse mona. Ha ke tsebe seo e se bolelang. Ke mpa feela... Ke mpa ke le mona feela.

<sup>33</sup> 'Me ke tšoanelo ho tšepahala le ka nete, 'me re ka tsoa tema le Molimo joalo feela le ka mohla, ke ho tšepahala. Hoba, batho ba tla tseba. Molimo o a tseba, qalong, ha u joalo, ebang u le joalo kapa che. 'Me batho ba tla tseba. Hobane, ka mohla o mong, monna o kile a leka ho porofeta. 'Me Molimo o bolela... Kapa, a bolella ke moporofeta oa sebele, ho re, "Re mpe re hopole. Ho hlahile baporofeta pele ho rōna. Moporofeta o tsebjoa feela ha boporofeta ba hae bo etsahala." Re mpe re ikholise ho tseba e builoe ke Molimo, pele re bolela taba efe. Tšepahala u be le 'nete.

<sup>34</sup> Joale ha re inamiseng lihlooho tsa rōna nakoana ea thapelo feela. Joale ha re suthiseng pelaelo eohle joale, metsotsot e 'maloa

e tlang. Ke a ipotsa . . . Sehlopheng se khabane sena sa batho bosiung bona, mona ke tseba ho lutse mahakoe ao Jesu a tlang ho a tlela ka letsatsi le leng, a tlang ho tsoha leroleng.

<sup>35</sup> 'Me mona ho ka tsoa tsoa ho lutse ba sa kholoang hore ba tla ba teng mono, kapa che. U ka tsoa tsoa u na le tlhoko ea lintho. Tlhoko ha e le teng bophelong ba hau bosiung bona, e ke e tsebisoe Molimo, u sa phahamisa letsoho la hau feela, feela ho re, "Molimo, U tseba seo ke se bolelang joale. Le ho ntlhoholofatsa. 'Na, ke a kula. Ke hloka pholiso. Ke—ke a hlahlathela. Ke hloka ho khutela botsoalleng. Ke—ke batla ho khutla. Ke a—ke sitiloe. Ke a khutla. Ke batla hore U nthuse, bosiung bona, ho khutla." Molimo a u hlohonolofatse.

<sup>36</sup> Ntate oa Leholidō, joale e re re sa atamela terone ea Hau, ka tsela ea Mali. Hoba . . .'Me Aarone o kene ka pel'a e—e setulo sa mohau, a tšoara, pele, mali letsohong la hae, a tsoela pele. 'Me rōna, ka tumelo bosiung bona, re amohela Mali a Morena Jesu, re atamela terone ea Molimo, ka sebete, ho itseba re na le tokelo ho tla, e seng ka ho lōka ha rōna, empa hoa Hae. Mali a emetse hlatsuo ea rōna. 'Me ke a rapela, Ntate oa Leholidō, U tle u abe thapelisiso ea rōna.

<sup>37</sup> Pele, re U kōpa ho re hauhela, ho re leballa littlolo tsohle tsa rōna, re sa ipolela liphoso tsa rōna, le lipha tsa rōna tse nyenyane, le libe tsa rōna tsa sephiri, le libe tsa rōna tse sa tsebjoeng. 'Me le rona bareri re a ipolela, kaha re le baprista, libe tsa batho. 'Moho, Morena, re a ema. Re rata batho. Re ikutloa joaloka Moshe mohla a itahlelang sekheong, ho thibella batho, khalefo ea Molimo. Ebile tšenola e kae eo, ea ho lōka ha Kreste, mohla Kreste a na Itahlela sekheong, ho pholosa batho.

<sup>38</sup> 'Me, Ntate, rōna joaloka bahlanka ba Hae, ka Moea oa Hae ka ho rōna, Mokreste e mong le e mong ka mona bosiung bona, ho ipeha ka pel'a moetsalibe: "Molimo, ba hauhele." Re llela bakuli le bahloki, matsoho a theko thata ao, ba bang ba holile, ba bang ke bacha, ba bang ba lilemong tsa bohareng, ba phahamisitse matsoho a bona. U tseba seo sohle, Morena. Re U rapela ho arabela ka menono ea Hau khanyeng.

<sup>39</sup> Bongata bo be teng mono bosiung bona, Morena, bo tsoang mona, bo keneng, bo kula, bo tlohe, bo phetse, bo folile. Ntho e etsahalang feela, ha ba khone le ho e hhalosa, ba mpa ba itseba ba phetse.

<sup>40</sup> Ba hlahlathelang ba tlohe ba lōkafalitsoe, Morena, ho itseba ba khutile 'me ba thonakile Kreste moo ba Mo siileng. Ba ke ba tlohe, ba thee lipuelano. Aba sena, Morena, ba esong ho tle ba fuoe tokoloho e theko e thata eo ea ho lokolloa, ho tšoasolloa serobeng, ho se ho hlole ba tlangoa ke lintho tsa lefatshe le lipelaelo tsa bophelo bona, ba mpa ba lokolotsoe ka ho Kreste. Aba sena, Ntate.

<sup>41</sup> Hlohonolofatsa sohle seo re se hlokang joale, le ho hlohonolofatsa Lentsoe la Hau le mohlanka oa Hau, 'me re tla U rorisa. ka Lebitso la Jesu rea kopa. Amen.

<sup>42</sup> Joale, haeba re ka bala mongolo oa Lengolo, kapa Lengolo la thero, ke rialo, Bakorinthe ba Pele khaolo ea 14, temana ea 8, e baloa tjena, ho Bakorinthe ba Pele 14:8.

*Hobane ekareha terompeta e hlahisa molumo o sa khethoeng, ea ka itokisetsang ho ntoa ke mang?*

<sup>43</sup> Ena ekaba palo e lekanang ho e rera liveke tse peli, koana re sa ame le meeli ea eona. Ntho e teng ka Lentsoe le bululetsoeng. U ituletse therong e le 'ngoe kamehla. U ka hlamelala Bibele eohle ho eona. Ho nepahetse.

<sup>44</sup> Mothaka o mpotsitse tsatsi le leng, ho re, "U khona joang ho qotsa mohlolithero o le mong?"

Ka re, "Oh, banna! U ka ntša moralo ofe ho eona."

<sup>45</sup> Eaba ke thonaka tlelouvara e mahlaku a mararo e robetseng fatše, ka e phahamisa. Monna eo o lutse mona bosius bona, ho tsoa Tucson. 'Me re ne re le koana Pasadena, California. 'Me ka re, "Nka tšoara palesa ena ea tlelouvara e mahlaku a mararo 'me ka rera ka eona lilemo tse mashome a mabeli a metso e mehlano: kamoo e leng bophelo, bo leng ho eona; kamoo, maqoba a mararo, e le boraro ho a le Mong. 'Me, oh, oh, re ka bolela lintho tse ngata feela ka eona."

<sup>46</sup> 'Me ho ka thoeng ka Lengolo? Ke Lentsoe la Molimo. Ke la Bohloleho. Le—le ne le e na le . . . Ha le na qetello. Ha Le phetse ho tsoella joalo, joalo, joalo. Ke setšabelo ho rōna.

<sup>47</sup> 'Me joale bosius bona ke batla ho bua ka sena: *Terompeta E Hlahisa Molumo O Sa Khethoeng*.

<sup>48</sup> Eare ke sa e nahanne, nakoana e fetileng feela, ha ke ntse ke nahanne ka . . . khang eo ea lekhetho, ka nahana, "Kajeno ho batla ho se letho le tsitsitseng. Sohle se khomeletsoe ho se tsitse ho sona." 'Me ntho efe e sa tsitsang ha e tšepehe. Hohle ho sa tsitsang ha ho tšepehe. E sirohaeba e sa tsitsa.

<sup>49</sup> Haeba u theile khoebo; 'me, etsoe, borakhoebo ba hara rōna mona, ekaba boholo ba bona. Ha u tsamaisa khoebo e sa tsitsang, ha u ke u tsetela ho eona hakalo, hobane e—e liabo ha li a tsitsa, 'me u ke ke oa kotula matsete a makaalo ho eona. Kapa, haeba u le rakhoebo ea lōkileng, ea seli, u tla ema u e hlahlabe, haeba u tšoere cheletana ho e tsetela, hofihlela u fumana ntho e tsitsitseng, ntho e tšepehang, ntho eo u ka itšetleheng ka eona. Hobane, ha u batle ho lahleheloa ke cheletana u e bolokileng, hobane u tlameha ho iphelisa ka eona, ka patala e tsoang—e tsoang liabong tse montsoeng matseteng ana. Khele, u tlameha ho—ho fumana lethoana ho iphelisa ka eona.

<sup>50</sup> 'Me cheletana ena u e bolokileng, ha u e nokele mokotleng oa hau ho e lesa teng, kaha masholu a tla e utsoa. Le a bona? U

se ke, se etse joalo. Haeba u e tšoere, e tsetele nthong ea mofuta. 'Me hape u batla ho ikholisa ka botsitso ba matsete a hau. Haeba u sa etse, khele, u se ke oa e tsetela, ho hang.

<sup>51</sup> Ka hona, ruri bosius bona khoebo e eme e tsokotseha. Khoebo efe, bonneta, lefatšeng, e maemong a sisinyehang, hobane lefatše le maemong a sisinyehang. U ke ke oa itumella feela . . .

<sup>52</sup> "Joale, ke tla boloka chelete e *kana*, ho haha ntlu e ntle, ntlunyana kae-kae." Taba eo, ehlile e a sisinyeha. Ke tla u bolella eona, hobane 'muso o ka ikhapela eona, ka bosiu.

<sup>53</sup> Oh, lintho li bolisitse demokerasi ea rōna hakaale, hofihlela ehlile e tsokotseha! Mehleng re ne re beha tšepo ea rōna holim'a demokerasi ea rōna. 'Me, etsoe, ke e hopola e le tšobotsi e khabane ea 'muso. Empa, le joale, demokerasi ea rōna e a tsokotseha. Hobane, rōna, sechaba sena, batho ba rōna, re tšoere molaotheo, 'me molaotheo ona ke—ke makhaolakhang a rōna. Empa, koana, tabeng eo, molaotheo oa rōna o a tsokotseha, hobane o kile oa robjoa makhetlo a mangata. Mofu Mongh. Roosevelt o ile a e fetola sesomo. Ka hona, le a bona, le a bona hobane o ka robjoa. U ke ke oa beha tšepo e kaalo ho ona.

<sup>54</sup> Lipolotiki, oh, banna, ha se le ho tsokotseha! Batho ba ngangisana feela, le ho ngangisana, le ho ngangisana, ka lipolotiki. 'Me baahisane ba qabane, ka tsona, batho bao e kileng ea ba metsoalle e metle. Ho tla hlaha mopresidente oa mofuta, kapa motho oa mofuta, ho iketela bosherifi, kapa ho hong, le mothaka e mong mose oane oa motero oa lipolotiki, ba tla ngangisana hofihlela ba qabane ka eona, lipolotiki. 'Me ha ke . . . ke a tšepa ha ke hlabe hise maikutlo a motho mang, empa ke nahana ntho eohle e bolile. Le a bona? E, monghali. Ka hona horeng u ngangisana le ho qabana ka ntho e sa lōkang le hona? Ke hantle. E mpe haholo feela.

<sup>55</sup> Motho o mpotsitse letsatsi le leng, a re, "Na—na u tlil'o vouta likhethong ena?"

Ka re, "Ke se ke voutile."

Ho re, "Oh, likhethong tsena?"

<sup>56</sup> Ka re, "Ke voutetse Jesu." Ka re, "Ke tla u bolella. Ke ne ke voutetsoe ke batho ba babeli." Ka re, "Molimo o voutetse 'na, athe diabolosi a vouta khahlano le 'na. 'Me ke voutetse Molimo, e le hore voutu ea ka e lōke." Ho tsoa feela na u tjebela voutu ea hau kae, sephetho e tla ba sefe.

<sup>57</sup> Ka hona, lemohang, mohlamonene, ho le supisa lethebana feela, re nto e lesa. Khethong tsena tsa ho qetela tsa bopresidente, ho pakiloe ka bottalo Chicago le libaka tse fapaneng, limachini tseo ba voutang ka tsona, tseo, mokhatlo oa Democratiki o li chehile, enereha u voutela Mongh. Nixon, u tlameha ho voutela

Mongh. Kennedy, ka nako e le 'ngoe. Ka hona, ha u na monyetla. 'Me e pakiloe!

<sup>58</sup> 'Me le utloile *Monitara* bosiu bo bong, eitseha ba e—e lekola naaha bophara, ho tloha Mississippi, bochabela. Mongh. Nixon o ne a nkile voutu, 'ne khahlano le 'ngoe. Ebe monna a ka hlola joang? Le holane ebile Mongh. Kennedy, ho ka be ho tšoana. Ha ke tšehetse mokhatlo ofe.

<sup>59</sup> Mokhatlo oa ka o Leholumōng, 'me ke mmoho le bona hantle bosiung bona. Re lutse libakeng tsa Maholimō, ho buisana le Khosi ea rona.

<sup>60</sup> Empa, le a bona, ke leka ho le bolella, lintho tsena tsa lefatše li a tsokotseha. Mono, ha u ka ke oa li tšepa. Ha li a tsitsa. 'Me ntho efe e sa tsitsang, nka mpa ka e siroha. Ha ke rate lintho tse hanyetsang. Ha ke rate ho itsoaka le nqa e hanyetsang. Ke rata ntho ea sebele, ho ema nqa ea sebele.

<sup>61</sup> Joale, bophelo ba lehae ha bo a tsitsa. Le a tseba, ke bone seratsoana letsatsi le leng, ho dijerenale tse nqa e 'ngoe, ho thoe sekhhahla sa hlalo sa Maamerika se phahame ho feta sechaba sefe lefatšeng. Athe re tlameha re be re le sechaba sa borapeli. E, ho ka ba joalo, borapeli, ho itoketse, empa hase ba mofuta o nepileng. Le a bona? Borapeli ke sekjurumetso feela. Ho thata ho bolela na re sebelisang ho ikoahela. Adama o lekile ho rohakanya mahlaku a feiga, ha e a sebetsa. Ea hla ea reketla habohloko ha a tlameha ho tsoa le ho kōpana le Molimo. Ka hona borapeli ha bo e phethise ho hang. Empa na le ka nahana hobane sekhhahla sa hlalo ea rōna, se phahame ho feta—ho feta sa linaha tse ling tsohle, sekhhahla sa hlalo ea rōna? Re fumana malapeng a rōna boitšoaro bo hlephileng bo jele setsi.

<sup>62</sup> Ho ile ha tsotisa ho fumana, seo, pheresente e khōlō ha ho lekoloa sechaba sa rōna. 'Me ho... Ke lumela e ne e le Ohio, hlophollong ea Bokreste, 'me ho a hlolla ho bona pheresente e sa keneng le kereke. 'Me hape, pheresente e kaa ka mashome a robeli ea batsamai ba kereke, ha e a tseba lebaka la bona ho e kena. Ha ba tsebe lebaka la bona ho ea. Ba kena kereke feela.

“Hobaneng u etsa hoo?”

<sup>63</sup> “Be, 'mè o re isitse re sa le bana, re lula re ea ke hona.” 'Me —'me hape, joale, pheresente e 'ngoe ea eona, ba ipoletse ba ile feela, oh, ho kōpana le baahisane le ho qoqa nakoana. Le a bona?

<sup>64</sup> Khele, ho a hlolla! Ha ho makatse bophelo ba lelapa bo felile, le a bona, bophelo bofe ba lelapa bo sa tsitsang.

<sup>65</sup> Mosali ofe ea chatang monna, 'me a sa kholiseha ka monna eo, a mpe a mo tlohele. Le monna ofe ea chatang mosali, 'me a sa kholiseha, u mpe u mo tlohele. U mpe u rapelisise, ka eona, hofihlela Molimo a u arabile. 'Me hape seo Molimo o se kōpanyang ho se be motho ea se arohanyang. Empa re—re, pele, re tšoanelo ho rapelisisa, ka eona. E.

<sup>66</sup> Joale, re iphihlela re lekile ho sokolla lefatše ka lenaneo la thuto, 'me re hlile re e hlekemantse, ehlile bo. U ke ke oa sokollela lefatše ho Kreste ka thuto. Thuto e mo hulela hole le Molimo, ho feta kamoo e mo hulelang ho Molimo, hobane o leka ho itemoha a le bohlajana 'me a tseba haholo ho feta motho ofe. Leha thuto e le molemo, Kreste ha eso rome kereke ea Hae ho neha lefatše thuto. Ha O a ba ruta thuto, ho cheta diseminari. Ha O eso rute- . . . Oh, li ntle. Ha eso ba bolelle ho ea haha likokelo. Hoo ho itoketse.

<sup>67</sup> Empa mosebetsi oa Kereke ke ho bolela Evangelii. "E-eang ka lefatše lohle, le bolelle 'mopuo a mong le e mong Evangelii." Le a bona? Empa ntho efe e fapanang le hoo, e a tsokotseha, hobane e fapohile lenaneo la Molimo.

<sup>68</sup> Bophelo ba bochaba ha bo a tsitsa. Be, lefatše ha le a tsitsa. Re mpa re phela nqalong moo lefatše le khahlotsoeng ke methapo, ho bonahala joalo, le tsokotseha kahohle. Sechaba ka seng, mang le mang, e mong o tšaba e mong. Ba bua ka khots'o.

<sup>69</sup> Khetlo le leng, ba fumane, ba itse, "Oh, etlareha re loana Ntoa ea Pele ea Lefatše, bashanyana bohole ba rôna ba tšoanelia ho nyolohela koo, 'me hoo ho tla felisa lintoa." Khele, ha ba khona le ho pheula mosi oa libetsa moeeng keha ba tshoarane le e nngoe.

<sup>70</sup> Ba ntso thea Liki ea Lichaba, eona e tla hlahloba lefatše, 'me ea khehlemana. Joale ba theile U.N., 'me e itšoanelia feela. E se e hohlometse. Ha ho letho ho eona.

<sup>71</sup> Sohle se a tsokotseha; bophelo ba bochaba, bophelo ba lipolotiki, machine a voutang. Oh, banna! Ba mpa feela . . . Ntho eohle e khohlopehile, sohle.

<sup>72</sup> Joale ke batla ho e theola ke atamela lapeng ho se ho kae. Le a bona? Bophelo ba kereke bo khohlopiloe 'me ha bo a tsitsa. Joale, ke seo Pauluse a se buang. Le a bona? Ke moo a boletseng, "Ekareha terompeta e hlahisa molumo o sa khethoeng." Bophelo ba kereke bo khopehile. Batho ba batla ba sa tsebe hore ba etseng. Ba tloha, ho phaila ba tloha kerekeng ho ea kerekeng, ho leka ho fumana e nang le ho lokileng; ho tloha ho tšiea ho ea ho thupa e 'ngoe, ho leka ho fumana se lokileng, moo thuto e lokileng e leng teng. 'Me e mong o tla fihla, 'me ba khone ho e hlalosa, feela ho fihla setsing sa tumeloana ea bona, ka ho loka. 'Me hape, ntho ea pele u a tseba, ba fihlela bobolu bo bongata ho eona, ba ntano leka kereke e 'ngoe, ho bona seo litumeloana tsa bona li leng sona, thuto. Oh, sena sohle, re iphihlela re ipshatlide, ka lintho tsena, hofihlela re theile litaelo tse makholo tsa kereke. Joale, ha ho letho khahlano le seo. Ke hore feela ba etse lintho tse ling, ka hona, tseo ba li etsang, 'me ntho e molemo e tlameha ho tsoa ho eona, nqa e 'ngoe.

<sup>73</sup> Empa, le a bona, u ke ke oa beha tšepo ea hau ka ho re, "Ke setho sa setlamo sa likereke tsa Methodise, 'me ke—ke itoketse haele moo ke le setho sa sona." "Ke—ke—ke setho sa setlamo sa Baptise, 'me ke itoketse." U ke ke oa etsa hoo.

<sup>74</sup> Ha u ka ke oa khona leha u ka re “setho sa setlamo sa likereke tsa Pentekosta.” U ke ke ua etsa joalo. Ha u a tšoanelo ho etsa hoo, hobane ha se eona. Re fumana ketlo la pele mohla setlamo sa rōna sa pele sa Pentekosta, e leng General Council, se neng se theoa, hase khale hamorao ha ba ne ba qala ikhaola mono, le ho ikhaola ho sena, le litaba, le lithuto. ’Me joale e shebe feela, hohle. Le a bona? E itšupa hobane ha e a tsitsa. Bao ba itšepisang ka mokhatlo o inotši, ha e a—ha e a tsitsa.

<sup>75</sup> Joale, u re, “Moena Branham, u ntse u re leketlisa holim’ a lekala le leholo kantle mona. U taka setšoantšo se tšabehang se lefifi.” Ke hlile ke ikemiselitse hona. Ke ne ke batlile ho e etsa.

<sup>76</sup> Ke entse hoo ka morero, ke tle ke bue sena. Ana ntho e tsitsitseng e teng? E. Ntho e le ’ngoe e teng e tsitsitseng. Oh, ke thabetse hoo haholo, ntho e teng eo u ka behang tšepo ea hau ho eona, le ho ikhola hobane e lōkile. Oh, mohla ntho ka ’ngoe e felileng, *Ena* e tla be e eme. Ha u ka bala Santa Mattheu 24:35, O itse, “Maholimō le lefatše li tla feta, empa Lentsoe la Ka le ke ke la hholeha.” Motheo oa Molimo o tsitsitse.

<sup>77</sup> Mothaka oa khale, o buile khetlo le leng, ledaki la khale Boroa. A khoaetse Bibebe, a sa khone ho bala. ’Me ba itse, “U e khoaletseng, Sam?”

<sup>78</sup> A re, “Ke—ke Bibebe e Halalelang.” Ho re, “E ngotsoe holim’ a eona.” Le ho re, “Ke a E lumela, ho tloha kh’ver ho ea kh’ver, ke bile ke lumela le eona kh’ver,” a re, “hobane ho ngotsoe ‘Bibebe e Halalelang’ holim’ a Eona.”

<sup>79</sup> ’Me mothaka a qoqang le eèna, a re, “Ha u lumele sohle se kahara Eona?”

Ho re, “E, monghali. E hlile bo.”

<sup>80</sup> A re, “Joale, be, u re u ka etsa sohle seo Bibebe e u laelang ho sona?”

A re, “E, monghali.”

<sup>81</sup> Ho re, “Hola Bibebe ea laela Sam ho tlola u phunyeletsa lerako leo la lejoe mono? U tla etsa’ng?”

A re, “Ke ne ke tla qhoma.”

<sup>82</sup> A re, “Be, joale, ebe u tla phunyeletsa lerako la lejoe joang athe ha ho lesoba mono?”

<sup>83</sup> A re, “Efèla ha Bibebe e laela Sam ho tlola, lesoba le tla be le le teng mono mohla Sam a fihlang mono.” Ka hona, seo, e batla e lōkile. Lesoba le tla be le le teng mono.

<sup>84</sup> U tlameha ho etsa ho le hong feela e leng ho ema holim’ a Lentsoe la Molimo, ’me Molimo o tla hlekela sohle tsela. Oh, motheo o moholo oo.

<sup>85</sup> Ke a lumela O boletse, koana ho Luka, ke a kholoa, a theoha thaba, O itse ho barutuo, “Batho ba re ’Na Mora motho ke mang?”

Mme e mong o itse, “‘Jeremia,’ le ‘baporofeta,’ le joalo.”

’Me A re, “Empa lōna le re Ke mang?”

<sup>86</sup> Ke mohla Petrose a hlahisang polelo e mahetla eo, “U Kreste, Mora Molimo o phelang.”

<sup>87</sup> A re, “U lehlohonolo uena, Simone, mora Jonase, ha se nama le mali tse u senoletseng eona. Empa Ntate oa Ka ea Leholimōng o u senoletseng eona. ’Me holim’ a lejoe lena Ke tla haha Kereke ea Ka, ’me likhoro tsa lihele li ke ke tsa E hlola.”

<sup>88</sup> Ke eng ke hona? Holim’ a ’nete e senotsoeng ea Lentsoe la Molimo. Hoba, “Lentsoe le ne le le tšimolohong, ’me Lentsoe le ne le le ho Molimo, ’me Lentsoe e ne e le Molimo. ’Me Lentsoe le ne le etsoe nama la aha mahareng.” ’Me ea senoleloa Petrose hoba leo e ne e le Lentsoe la Molimo le nètefalitsoeng. Amen.

<sup>89</sup> Lebaka leo A beng a ka re, “Ke mang ea ka Nqosang ka sebe? Ke mang ea ka Nqosang? Sohle seo Lentsoe le se ngolileng ka ’Na, Ke se phethile.” Molimo o ne o e nètefalitse, hore E ne e le Lentsoe. Oh, ke eona. Molimo o bonahalitsoe. Lentsoe le rialo, ’me Molimo o ntano le nèpahatsa, ho e etsahatsa, ho e supa.

<sup>90</sup> Lilemong tse ngata tse fetileng, mohla ba itseng ho kereke, “Ha ho ntho e kang kolobetso ea Moea o Halalelang, ke maikutlo feela ao batho ba a fehlileng bobona,” empa bao ba O amohetseng, ba tsebile hoba e ne e le ’nete. Ba tsebile hobane Molimo e ne e le sebele. ’Me e pakiloe, hofihlela, kajeno, khato ea Molimo ea Pentekosta lichaba ka bophara, e noketse ho Kreste bongata bo fetang ba tse ling tsohle.

<sup>91</sup> *Moeti oa Rōna oa Sontaha*, nakoana e fetileng, pampiri ea Katolike, e boletse; ke kholoa e ne e le ngoaholakola, kapa ngoahola, se seng; eo, “Kereke ea Katolike e ngolisitse feela basokolloa ba halofo ea milione. Athe, Mapentekosta a hatisitse milione o le mong, le likete tse makholo a mahlano.” Amen.

<sup>92</sup> Ke eng? Ke ntho e holang, Lentsoe la Molimo, le jalehang hohle. Re tlameha ho leboha hakakang! Hakaale, hofihlela, esita le Maepiscopaliens, Mapresbeteriene, Malutherane, le bohle, ba phuthehang ’moho ho O amohela. Haeba le ka elelloa kōpanong ea Business Men, le ba utloa ba bua ka ba fapaneng: Maepiscopalians, Lutherane, Presbeteriene. Khele, ke ka seoelo le utloang Pentekosta e etsa letho hape. Ke hantle. Ke tse ling tsohle. Hobane hobaneng? Ba bone bofokoli ba litunmeloana tsa bona, ’me ba khutletse Lentsoeng. Le fumana motheo mono, ntho e ke keng ea sisinngoa.

<sup>93</sup> Ho fumana ka mono, Moea o Halalelang o phela Bophelo ba Hae kahara batho, ho Iponahatsa ho lefatše. Ho etsa hore batho ba Mo nyoreloe: ho se sisinyehe, ho se khang, Lentsoe la Molimo le bonahalitsoe le ho Iponahatsa, Lentsoe ka bolona le iphelela ka bophelo ba motho. Ntho e babatsehang hakakang! Ha ho letho le sa tsitsang ka hoo. U ka bona moo Molimo a entseng

tsepiso, 'me ke ena e a bonahatsoa. Baporofeta ba e boletse lilemo tse makholo tse fetileng, 'me ke ena re e bona e etsahala.

<sup>94</sup> Hara linyatso tsohle, har'a liphapang tsohle, hara litumeloana tsohle, kamoo ba lekileng ho lahlela Lentsoe leo la Molimo kantle! Kamoo ba lekileng ho fapanyetsa thuto. Ba lekile ho fapanyetsa, ho bopa tsamaiso ea bolumeli. Ba ipherekantse. 'Me har'a seo sohle, Lentsoe la Molimo le eme le phatsima le benya joalo le ka mehleng. Ke eng? Ke ntho eo e tsitsitseng. Molimo o boletse, "Maholimō le lefatše li tla feta, empa Lentsoe la Ka le ke ke la hholeha." Hape, ke eo ntho e tsitsitseng. Haeba u batla ho tsetela tsetleli, setlela ka Lentsoe leo pelōng ea hau.

<sup>95</sup> Davida o boletse a Le patile pelōng ea hae, hore a se ke a etsa sebe. O ngotse melao ea Oona lihloohong tsa mealo, le ho e tlamella liatleng tsa hae le hohle, ho beha Lentsoe la Oona pel'a hae kamehla. Ke eona tsela. Boloka mohopolo oa hau kamehla...

<sup>96</sup> Molimo o boleletse Joshua, "U se ke oa khelohela ho le letona leha e le ho le letšeħali, oa sutha ho Lona. Ke moo u tlang ho atlehisa litsela tsa hau. U be u atlehe."

<sup>97</sup> 'Me ha kereke e ikōpanya hole le litumeloana tsa eona, le holim'a Lentsoe la Molimo, ke moo kereke e tlang ho atlehisoa. Ke eona ntho e tlang ho khotħolela bokomonisi kantle.

<sup>98</sup> Bokomonisi bo entsoe ke'ng...? Eona ntho eo, le nahana ka "bokomonisi," mohla bo jalang papatso ea bona, bo hola ka sekħahla, ka limilione, 'me batho ba bo tħohile: bokomonisi boo bo tla pona bo shoe. Bo tlameħile joalo. Bokomonisi, bo ka etsa *sena*. Ba ka etsa *sane*. Ke lumela Molimo o tla bo sebelisa, empa, ke hantle, feela joalokaha O sebelisitse Nebukadnesare. O tla fothola ho ntħa, e—e—e... meutloa eohle, ho e fothola, ka bokomonisi. Empa, seo... Che, hakalo. Empa, shebang. Empa taba ea eona, bokomonisi, bo tla fiħlela qetello. Bokomonisi bo tla fiħlela qetello.

<sup>99</sup> Empa Lentsoe la Molimo ha le na qetelo, hobane ha Le a ba le qalo. Amen. Ho Molimo ke la Bohloleho. 'Me haeba u ankoriloe, 'me Lentsoe le ankoriloe ka ho uena, u hlola ka Bohloleho le Lentsoe. Amen.

<sup>100</sup> Bo tlameha ho fela. Lintho tseo tsohle li a sisinyeha. Ho sa tsottelehe na ba haha tšiea e khōlō ha kae, e tlameha ho heleha. Lintho tsohle tseo e seng, tse leng khahlano le Lentsoe, kapa li thulana le lona, li tla tlameha ho sutha. Li tlameha ho siea sebaka, hobane Lentsoe le fiħla ka tlħolo. Ha ho letho le ka Le khinang. Molimo o se a buile.

<sup>101</sup> Ha O e bolela, maholimō le lefatše li tla feta, empa le ke ke la hholeha le ka mohla. Boloka Lentsoe leo pelōng ea hau, mokhoa oa ho tħoara Lentsoe leo le ho Le holisa. U Le boloke mohopolong oa hau, kamehla, hobane Le ke ke la hholeha le ka mohla. Lentsoe

la Molimo ha le ka ke la hloleha le ka mohla, hobane O Le boletse le ke ke. Ka hona re batla ho le baballa mono.

<sup>102</sup> Joale, Pauluse o boletse, Mangolong, joaloka ho koetlisa lesole, lesole ka molumo. Joale, lesole le tlameha ho ithuta melumo ea lona, oa phala kapa oa terompeta. Ha le tsebe haeba ho letsitsoe terompeta, e bulutsoe, haeba e le ho—ho khoroha kapa ho checha. Haeba le sa tsebe ho khetholla, e ka ba lebotho la hau le lubakane hakakang? Ruri sera se ka phothoma sehlopha sa masole a sa koetlisoang hantle hakaalo. Amen.

<sup>103</sup> Ke bona bothata ba likereke tsa rōna kajeno. Re ba koetlisitse ka litumeloana, ho fapani le e mong.

<sup>104</sup> Re tlameha ho kōpana. Re tlameha ho tseba terompeta. “Ha ho le joalo ebe terompeta ke’ng?” ba rialo. Terompeta ea Evangel, ke Eona. Lentsoe la Molimo o phelang ke Terompeta. Le se ke la Le tsoaka le letho.

<sup>105</sup> Le se lumelle motho ho letsas harepa ea Sefora, ’me le e mong a letsas phala. Ha ho mang ea tsebang se ka etsoang. E hlahisa pherekano.

<sup>106</sup> ‘Me Pauluse o ne a lekanya ka ho koetlisetsa motho molumo. ‘Me ka molumo oo, o tseba hantle se ka etsoang, hobane phala e tšoere litaelo, ho tsoa ho molaoli oa sehlooho. ‘Me ha terompeta ena e letsoa, lebotho le tseba hantle ho thakhohela nqa—nqa selao sefe, le ho honyela kae, e ka bang ho khelohela ho le letona kapa le letšeali, kapa ho etsang, ka molumo oa terompeta.

<sup>107</sup> Joale, sesole, ntoa, haesale e le ntoa. Ha re eso ingolise le Kereke, kapa ho kena ka Kerekeng, ho tlela pikiniki. Re tšoanelia ho lemoha hobane re hata mabaleng a ntoa.

<sup>108</sup> Le ka mohla ha ke a tlela, ho phathatsoa mokokotlo ke batho ho thoe, “Moena Branham, u motho ea khabane.” Che, mongali. Mono ke fihlile ke kokositse thebe. Ha ke hloke thebe bakeng sa hoo. Ke tla ka heleme le ka lihlomo. Ke tlela ho loana, ho loana setsoe ka seng sa mobu.

<sup>109</sup> Molimo o boleletse Joshua, “Sebaka sohle moo bohato ba maoto a hau bo hatang teng, Ke u neha sona.” Ka hona, bohato ba maoto bo bolela thuho.

<sup>110</sup> ‘Me ha kereke e fihla nqalang, moo e ngoaetsang ka litumeloana, le ho qekisa ka Lentsoe, le ho qekisana le lefatše, ke rialo, e lahleheloa ke mobu. E a khutla.

<sup>111</sup> Bosiung seo re se hlokang ke masole a hapang tšepiso e ’ngoe le e ’ngoe e Mokhethoa ea Bibele ena, eo Molimo o e baletseng Kereke, lihlomo tsohle tsa Molimo, le ho ema tšetla. Ke seo re se hlokang, masole; ha se ho apara junifomo ea pareidi, kamehla e fapani. Ha monna a . . .

<sup>112</sup> Sechaba sefe, re hlomme lihloela sechabeng ka seng. Mona re hlomme lihloela tsa Jeremane. Mona re hlomme lihloela tsa Manyesemane. Re tsoere—re tsoere lihloela koana Engelane. Ba

ntse ba leka ho etsang? Ba ntse ba leka ho fumana mofuta oa thepa, mofuta oa bomo, oa e mong. F.B.I. e imatahantse le sechaba se seng le se seng. Ba behile leihlo, ho bona. Ba phonyoha joalo. Ba sheba 'me ba hloela bomo eo e mong a e fumanang. Ba ntoo boea ba e ntlaufatsa, kapa ba sibolla ntho ho e qhela. Ha ba tsepene, lichabeng, hoo supa hore lichaba li a sisinyeha. Khele, Engelane e ka re phatlola, nakong ea hora, ha re ka qabana le bona, kapa re ka ba phatlola. E batla motho ea sehloohong sa ntho eo mono, ho fupa lethoana kapa habeli, ho feta tekano, kapa ho tsoa taolong, e ntano qhoma.

<sup>113</sup> Ha se khale mona, ha ba bua, ka lithepa tse itseng, “Tse entsoeng Japane,” mehleng ea ntoa. Ba ne ba li otlanya fatše, le ho likoloha, ka botšepehi. ’Me joale le tlil’o e lefella ho feta ntho efe eo le e rekang sechabeng. Ho etsahetseng? Ana hoo ho phethelitse maphelo ao a bashanyana ba shoeleng koo? Ruri lekhale.

<sup>114</sup> Ke eng? Ha ke tsotelle na le loantša lithepa tsa tlhaho ha kae, le tlil’o, e ke ke ea bolela ntho le e ‘ngoe. E tlil’o sisinyeha. Empa ntoa e teng eo u ka e kenelang ‘me oa hapa litša tseo u a sa tl’o hlola u li amohuoa. Ke molumo oa Evangelia or Terompeta ea Lentsoe la Molimo, le ho rua lineo le lipallo tseo A li fileng Kereke. Ruri bo. Joale, re a fumana—re a fumana, ho hlahisa molumo ona oa terompeta.

<sup>115</sup> Joale, sechaba ka seng se leka ho hlomela bashanyana ba sona ka tshireletso e fetisang e leng teng. Joale, ke a tseba, ka linako tse ling ha ho bobebe ho jara lihlomo tsena.

<sup>116</sup> Ke ne ke ena le moena, “Rookie,” ba ‘mitsa joalo, eaba o tsoela kantle mona, sesole sa mo jarisa moroalo oa diponto tse mashome a robong mokokotlong oa hae. ’Me o batla o lekana le boima ba hae. Ba mo tsoarisa fosholo, ho cheka sekoti; sethunya, le sehlopha sa digaranate tsa letsoho. ’Me, oh, ha ke eso bone moroalo o mokaalo! Mothoana oa batho a batla a sa khone le ho tlosa leoto. Ba ntoo mo theolela tseleng ho tsamaea limaele tse hlano. E ne e batle e ‘molaea. A re, “Lithole tsee ke tsa’ng? Ebe heleme ena ea tonana ea khale ke e hlokela’ng?” Joale, shebang. Sesole se tseba a tla e hloka khetlo le leng. “Ebe fosholo ke e hlokelang, kantle mona holim’a ‘milakholo, moo ke tsamaeang?” U mpe u itloaetse ho e sebelisa. U ka tšoha u e hloka.

<sup>117</sup> ’Muso ha o ke o nehela letho haese ha u tseba...ba tseba hobane u tla tlameha ho e sebelisa. U tšoanelo ho ikoetlisetsa hoo. Ba fumana lintho tse khabane tseo ba ka li tholang, ho u sireletsa, kahobane ba tsotella sechaba. Ba tsotella tshireletso ea hau ka bokhoni boo u ka bo khonang, ho phema likulo. Haesale ho lutse joalo.

<sup>118</sup> E simolotse tšimong ea Edene. ’Me Molimo o koetlisa Kereke ea Oona. ’Me eona . . .

<sup>119</sup> Le a tseba, re tlameha ho ntlafatsa kamehla. Joale, lifofane tsa mehleng re li sebelisitse morao ho Ntoa ea Pele ea Lefatše; Ntoa ea Bobeli ea Lefatše, khele, likotonyana tseo sebakeng li ne li feletsoe ke nako ka botlalo, mohla ba ne ba hlahisa lifofane tsena stse matla tse ntle tseo ba li tšoereng. Khele, e ne e se letho. 'Me joale, tseo ba li sebelisitseng ntoeng ena ea ho qetela, joale li tlotsoe ke nako. Ha ba sa li hloka. Ba tšoere lijete. 'Me, le a bona, kamehla u leka ho ntlafatsa, ho ntlafatsa tšireletso.

<sup>120</sup> Empa le a tseba ke'ng? Molimo ha o a tlameha ho ntlafatsa. Molimo o neile bana ba Oona, masole a Oona, ntho e fetisang ka bokhabane e ka neoang bona. Mohla O ba neang eona, ebe O ba file eng? O ba file Lentsoe la Oona tšimong ea Edene, 'me motho a tšoanela ho tšabela ka morao ho Lentsoe la Molimo, 'me ha ho diabolosi ea ka mo fumanang. Lula Lentsoeng.

<sup>121</sup> Joale, sehloela sera, Satane, o lekile ho fumana seo a ka se etsang ho phunya ka mono. Ka hona o—o tsebile a ke ke a tsoa feela ho mo koahela ka lesira, ka hona a ka etsa ho le hong feela e leng ho mo hloesa holim'a ho beha mabaka. 'Me Molimo o sebelisa hoo kajeno, ho natlafatsa Kereke ea Oona, Lentsoe la Oona. 'Me Satane o bitoha ka matla a ho beha mabaka. Satane o tsebile sekheo seo. Batho ba ka robjoa habobebe hona moo, ka ho beha mabaka.

<sup>122</sup> U re, "Joale, ha re rerisane le uena ka mabaka. Joale na ho a hlokeha?"

<sup>123</sup> Efèla ha Molimo o e boletse e hlokeha, e a hlokeha, le haekaba re hlokhoa ho lla, le ho bohola, le ho etsa *sena* sohle. Efèla ha Molimo o boletse kolobetso ea Moea o Halalelang e hlokahala, ha ke tsotelle na E boima hakakang, le hore u tlameha ho tèla lefatše le le kae, u tla tlameha ho E sebelisa, le leng la matsatsi ana, ho ipoloka o ntse o phela. Eona feela tsela ea ho phonyoha.

<sup>124</sup> "Joale, ana re lõketse ho hlakisa pholiso ea Khalalelo, athe re fumana lingaka tse khabane ka ho fetisa lefatšeng?"

<sup>125</sup> Molimo o abetse pholiso ea Khalalelo hobane O tseba hore u tlameha ho e sebelisa. O u abela lineo tsa Moea.

<sup>126</sup> 'Me hang hoba Satane a fihle ho Eva, o qalile a beha mabaka le eëna. Joale, "Kannete, nete, Molimo o ke ke oa etsa *hoo*."

<sup>127</sup> Kajeno batho ba re, "Ha ho ntho e kang lihele." Ba bangata ba u bolella seo. Le a bona? "Oh, kannete Molimo ha o ka ke oa chesa bana ba Oona."

<sup>128</sup> Ehlide, ha O chese bana ba Oona. Empa diabolosi o tla etsa *hoo*, ba hae. Ebe u ngoana mang? Ke eona taba e latèlang. Lihele li bopetsoe diabolosi le bana ba hae, e seng bana ba Molimo. Ha ho le a mong oa bona ea kenang mono. Ke hantle. Ho tsoa hore u ngoana mang.

<sup>129</sup> Joale, Molimo o neile Eva le Adama Lentsoe la Oona, 'me ha O eso Le fetole le ka mohla. Esale o ena... Mokreste, kapa molumeli, Tshireletso ea hae ke Lentsoe.

<sup>130</sup> Maholimō le lefatše li tla feta. Tumeloana ka 'ngoe e tla feta. Tsamaiso efe ea bolumeli e tla hlolleha. Sechaba ka seng se tla teba. Empa haele Lentsoe la Molimo le tla ema, ka Bohlolleho. Ho tla fihla mohla naleli ea meso e sa hloleng e chaba. Ho tla fihla mohla letsatsi le sa tl'o hlola le chaba, le khoeli ha e sa tla chaba, le lefatše ha le sa tla phikoloha mopotolohong oa lona.

<sup>131</sup> Empa Lentsoe la Molimo le tla lula le tšoana le kamehla. E. Ke ntho e ke keng ea sisinyeha, ntho eo u ka e tšepang. E tsitsitse. Molimo ha o bolela taba, ho etsahala ha eona ho tiile.

<sup>132</sup> Haeba A boletse, tšimong ea Edene, ka Molopolli, O tla romela Messia, ho fihla ha eona ho ne ho tsitsitse. Leha ba shebeletse lilemo tse likete tse 'ne, empa O fihlile mono. O ne a tlamehile ho fihla hobane e ne e le Lentsoe la Molimo le tšepisitsoeng.

<sup>133</sup> Molimo o tšepisitse ho boela a Mo romela. O tla fihla mona. Ha ke tsotelle ho hlaha bahetene le babelaeli ba hlhang ba ba kae, ba ka etsang, bokomonisi bo jaleha ha kae, Jesu Kreste o tla tla, le ho nka Kereke e hlatsoitsoeng ka Mali, le ho e hloellisa sebaka ho kena Leholidmōng. Hobaneng? Ho etsahala ha eona ho tsitsitse. Lentsoe la Molimo le itsalo.

<sup>134</sup> "Ha u ka lumela, tsohle li ka etsoa." E tsitsitse. Molimo o itsalo, 'me e ke ke ea sutha, e ke ke ea hlokoloa. Molimo o itsalo, hola u ka lula le eona feela (Joale...) le ho ba le tumelo ho eona, ho e lumela.

<sup>135</sup> Ha se molumo o o leketlang oo. Molimo o ke ke oa hlahisa molumo o leketlang. Litumeloana li ka hlahisa molumo o sa khethoeng. Litsamaiso tsa bolumeli li ka rera molumo o sa khethoeng. Empa Molimo o ke ke oa bolela molumo o sa khethoeng. 'Me Lentsoe lena ke Molimo. 'Me ha ho letho le sa tsitsang ka Lona. Karoloana ea Lona ka 'ngoe e tsitsitse.

<sup>136</sup> Joale, Kereke e khōlō e hlometsoe ka Lentsoe. Joale, mohla Jesu a neng a fihla, ana O sebelisitse sehlomo sona seo? O hlile o entse joalo.

<sup>137</sup> Mohla Satane a tlileng ho Eèna, ka matla ohle a hae, 'me o itse, "Ha U le Mora Molimo, etsa ho *itseng*, lintho tse *itseng*."

<sup>138</sup> O itse, "Ho ngoliloe..." Ho khutlela hantle Lentsoeng. Satane a Mo leka holingoana. Empa, Jesu, a khutla hantle ka Lentsoe, "Ho ngoliloe..."

<sup>139</sup> Eaba O itulela mono, holim'a Lentsoe leo, ho re bontša mohlala. Joalokaha A boletse ho Bakorinthe ba Pele, pele... Santa Johanne 14:13, "Ke le behetse mohlala." 'Me oo ke mohlala, o reng re tlameha ka ho toboketsa, re tšoanela ho beha

tšepo ea rōna Lentsoeng la Molimo ka bophethehi. Sohle e be leshano. [Sekheo lebanteng—Mohl.]

<sup>140</sup> Eo ke ntho e le 'ngoe tsitsitseng. Molimo o entse tšepiso. Molimo o tla boloka tšepiso. Ba re, "Ebe ntho ee e ka hlaho joang? Ebe A ka khona joang ho phutha sehlopha sa batho 'moho, ka mohau oa Hloibilo, ho nyoloha?" Ha ke tsebe kamoo A tlang ho e phethisa. Ha se tšoanelo ea ka ho botsa kamoo A e phethisang. Tšoanelo ea ka ke ho itokisetsa eona. O e tšepisitse. E tla etsahala. Ho Sireletsa Kereke ea Hae ka Lentsoe.

<sup>141</sup> 'Me ntho ea pele e bile ho beha mabaka. Joale ba re, "Na ha se lebaka le utloahalang feela joale, ho ba setho sa kereke *ena*, ana ha e a lōka joaloka kereke *eane*?"

<sup>142</sup> U ka ba setho sa Kereke e le 'ngoe to. U ke ke oa ingolisa ho Eona. U ka ingolisa le loje, loje ea Methodise, le loje ea Presbeteriene, le loje ea Baptise, le loje ea Pentekosta. Empa u tsolloa Kerekeng ea Jesu Kreste, ka hona Kereke ke eo.

<sup>143</sup> Tseo ke liloje, moo batho ba phuthehang, joaloka makhoaba a lulang holim'a lekala *lena*, le maeba holim'a lekala *lena*, le—le joalo. Ke setsoalle seo le se kenelang 'moho, ha le ntse le arolelana lijo tse tšoanang.

<sup>144</sup> Empa Kerekeng ea Jesu Kreste, mocha o mong feela. Ona ke Tsoalo. Tsoalo!

<sup>145</sup> Ho joaloka le ka motho, ke buile khafetsa, joaloka nonyana e ntšo e lutseng holim'a lekala, e ntse e leka ho itlhoma masiba a pikoko, ho thoe, "Le a bona, 'na ke hata se sa pikoko." Le a bona? E qamachisitse masiba ao, ho eona. Holane e le pikoko ea makhonthe, tlhaho ea eona e ne e ka hlahisa lesiba la mofuta oo.

<sup>146</sup> Haeba Kereke ea Molimo o phelang e le Kereke ea Molimo o phelang, e tla hlahisa Lentsoe la Molimo o phelang. Ha u a tlameha ho qamachisa masiba a pikoko nqa efe. 'Me lesiba lefe mono le tla be le meletse ho pikoko. U ka lumela seo. 'Me lesiba lefe le meletseng Kerekeng ea Molimo e tla be le Lentsoe la Molimo. A ke ke sunya ntho efe ese le haese Lentsoe. Amen. Hoba, tlhaho ea Moea e melisa Lentsoe le inotsi. Amen. Ke qala ke ikutloa ke halalela. Hantle.

<sup>147</sup> Ha se letho leo u lekang ho le etsa, ha se letho leo u le fehlang. U ka sitoa ho fehla bora- . . . U ka sitoa ho fehla pholoso. U ka sitoa ho fehla lineo. U tlameha ho beha lineo. Ruri. Le a bona? E—e nku ha e khone, ha e etse boea. E na le boea hobane ke nku. E mpa e beha boea feela. E—e—e sefate sa cheri ha se fehle licheri. Se beha licheri feela, hobane bophelo ba sona bo joalo.

<sup>148</sup> 'Me Kereke ea Molimo o phelang ha e sunye Sena, ho leka ho itšoantšisa le selo. Ba se ba le seo ba leng sona, ka mohau oa Molimo. 'Me Lentsoe la Molimo le meletse ho bona, 'me le bona ba meletse ho Lentsoe. 'Me mesebetsi e hlahisitsoeng ho eo ea phethehileng, Jesu Kreste, Molimo o bonahetseng ka nama, e tla

itlhahisa ka molumeli ea tsoetsoeng labobel. O itsalo. Amen. Ha ho letho le sele. Joale, eo ke ntho e tsitsitseng.

<sup>149</sup> Joale, ke taba e ka batlang—e ka batlang e ferekanya motho, haeba a eso tsebe molumo oa mannete oa terompeta. Joale, motho ea eso koetlisetsoe terompeta, 'me a eso e utloe, be, a ka batla a ferekane ha a utloa molumo o batlang o fapane le seo a se utloileng. Seo esale a se utloile, "Ingolise le kereke. Isa lengolo la hau ka *mona* le ka *mona*." E ka ba taba e lōkileng eo. Ke phetho seo a se tsebang.

<sup>150</sup> Empa ha u tlameha ho khutla, mabapi le kolobetso ea Moea o Halalelang, ho bua ka matla a Molimo le lintho tseo A li etsang; le kamoo o fetolang basali le banna, ka bobeli, ho ba hloekisa, bophelong ba sebe; kamoo e ba tsamaisang ka borapeli, botšepehi. Le lintho tseo e li etsang, le ho tlisa kolobetso, ho bua lipuo, ho folisa bakuli, ho leleka batemona, ho porofeta, lineo, oh, lipono, sohle ka Kerekeng. Alleluia! Ke hantle. Ha e lla, e batla e ferekanya ba esong ho utloe terompeta ea mofuta oo.

<sup>151</sup> "Be," u re, "kereke ea ka ha e rute seo." Ha ho le joalo ha e letse terompeta ea Evangeli. Khanya! Hantle.

<sup>152</sup> Empa ho masole a koetlisitsoeng, alleluia, ha ba utloa terompeta eo e lla, ba tseba mokhoa oa ho ema ka taolo. Raoha, lesole la Mokreste! Khanya! Oh, e tsitsitse!

"U tseba joang hobane e tsitsitse?"

E holim'a Lentsoe.

"Be," u re, "kereke ea rōna ha e rute Seo."

<sup>153</sup> Empa terompeta e a Se lets. Ha ke batle ho koetlisetsoa tumeloana ea kereke, hobane e tla sisinyeha e helehe. Empa haeba u koetlisitsoe nqa Lentsoe, maholimō le lefatše li tla feta, 'me Lentsoe lena le ke ke la feta le ka mohla. Tumeloana efe, ntho efe e sele, e tla heleha. Empa Lentsoe lena le ke ke la hboleha le ka mohla. Amen. Ke molumo oo. Ke molumo oo ke batlang ho o utlooa oo. E, monghali.

"Oh," u re, "ebe ke tseba joang?"

<sup>154</sup> Jesu o itse, "Linku tsa Ka li utloa molumo oa Ka. Li tseba terompeta ea Ka." O itse, ho Santa Johanne, khaolo ea 14 le temana ea 12, "Ea lumelang ho 'Na, mesebetsi eo Ke e etsang o tla e etsa le eena." Joale, O itsalo.

Ekareha motho a re, "Be?"

<sup>155</sup> Baheberu 13:8 e itse, "Jesu Kreste oa maobane, kajeno, le kamehla."

"Oh," ba re, "ka mokhoa o itseng."

<sup>156</sup> Joale, nku ea makhonthe e tla re, "Uh-oh. Oh, ntho e a khorehla, mono. Ha e a utloahala hantle. Oh, e tšoanetse ebe ebile lenaka la Sefora. Eo e ne e se terompeta, hobane Bibele ha e hlahise molumo o lketyl."

<sup>157</sup> E re, “Le tla amohela Moea o Halalelang.” E seng, “Le ka ‘na.” “Le tla etsa joalo, e mong le e mong.” Nako e kae? “Ho bana ba lōna, le ho bana ba bana ba lōna, le ho ba leng hole kaofela, ba sa tlang ho bitsoa ke Morena Molimo oa rona.” E tla letsa terompeta morabeng ka mong le molokong ka mong, ‘me ba tla utloa kolu ea Hae. Ba tla Le lumela, bao ba khethetsoeng Bophelo. Amen. Ba tla Le lumela hobane ba tseba hoba Ke terompeta ea Evangeli e llang. Ha e leketle. Lesole ka leng tseba mokhoa oa ho ema.

<sup>158</sup> Joale, le bone Petrose, le Johnne, Jemese, le kereke ea meso, e hoantela pele ka tsela ena, hobane terompeta, Jesu, o itse, “E-eang ka lefatše lohle, le bolele Evangeli.” Mareka 16, le a bona, “Mehlolo e tla tsamaea le ba lumelang ke eona ena.” Re bona Petrose, Jemese, Johanne, ba bang ba bona ba tsepame moleng, ba hoanta ba nyoloha ka Hoo.

<sup>159</sup> ‘Me re khelohela nqa e sele, hole le Lona? E mong o khorohela pele, e mong o honyela morao? E mong o re, “Be, o ne o baletsoe e mong. Seo, molumo oo—oo, o ne o baletsoe e mong.” Oh, che. E ke ke ea eba seo.

<sup>160</sup> Lebotho lohle la Bokreste le utloa terompeta. Molimo o boletse seo e le terompeta. O ke ke oa e fetola. Ke molumo oo A itseng o tla letsoa. “Batho bohle ba tla tseba ke hona,” ‘me Kereke e ntano thakhoha.

<sup>161</sup> Ba bang ba bona ha ba lumele ho Khutla ha Hae ha kannete. Bibele e itse O tla khutla, ka hona re shebeletse ho Khutla ha Hae. Haeba A le sieo mona bosiusing bona, re tla be re shebeletse hoseng. Haeba A sa fihle mona hoseng, re tla be re Mo shebeletse hosane bosiu. ‘Me re tla lula re shebile. Haeba re sa robale, ea rōna—ea rōna... ha re a loanela lefeela. “Hoba terompeta ea Molimo e tla letsat terompeta eo ea ho qetela, ‘me ba shoetseng ho Kreste ba tla tsoha. ‘Me rōna ba phelang le ba saletseng re tla nkao hammoho le bona, ho kōpana le Morena sebakeng, ‘me re tla hlola mono kamehla.” Oo ke molumo oa terompeta. Leha nka phela leha nka ikela, ha e etse phapang ea letho. Ke tla utloa molumo. Ke tla tsohla. Khanya ho Molimo! Tsoha. Oh, e. E.

<sup>162</sup> Jesu o boletse, ho re, “Linku tsa Ka li utloa kolu ea Ka.” E ne e le Lentsoe le bonahalitsoeng. Mohla e... Linku tsa Hae li Mo tseba joalo.

<sup>163</sup> Joale shebang Bafarisi le bao letsatsing leo. “Oh,” ba itse, “Monna enoa ke Belsebule.” Mohla A boleletseng mosali selibeng, moo, ka libe tsa hae, banna ba hae, mohla A boleletseng Nathanaele moo a neng a le teng, tlas’ a sefate moo Filipi a mo bitsitseng, ka ntle tlas’ a sefate sa feiga, a ntse a rapela, khele, baruti bao ba letsatsi leo ba itse, “Monna enoa ke Belsebule. Ke diabolodi. Ke senohe.”

<sup>164</sup> Empa ha ho a ba joalo ho Petrose, Jemese, le Johanne, ba bang bohle. Ba e tsebile. Hobaneng? Ba tsebile Molimo o boletse

hore mohla Messia a tlang, tlas'a kolu e bululetsoeng ea Moshe, E tla ba moporofeta. 'Me eitseha ba bona lintho tseo A li boletseng li bonahatsoa le ho phethahatsoa, ba tsebile hobane tseo e ne e le lijo tsa nku. Ba tsebile hobane eo e ne e le terompeta. 'Me ba qala ba e sala morao. "Linku tsa Ka li a e tseba," hoba li bone Lentsoe la Molimo le bonahatsoa.

<sup>165</sup> Joale, batho kajeno, ha ba lumele nthong e kang kolobetsø ea Moea o Halalelang. Ho rothela mona kapa nqa e 'ngoe moo ba nang le Moea o Halalelang, 'me ba bona tsepiso ea Molimo e phethisøa ka tšoanelo feela, khele, "Linku tsa Ka li utloa kolu ea Ka." Li tseba molumo oa terompeta eo hobane ke Bibele. "Jesu Kreste oa maobane, kajeno, le kamehla." E sa ntse e le Baheberu 13:8, ka tšoanelo.

<sup>166</sup> Ha ke tsotelle, joale, ha e etse phapang ea letho hore ho letsoa linaka tse kae tsa kereke. Re fumana ho letsoa linaka tse ngata tsa kereke, le a tseba, li butšoela ntho ka 'ngoe, ho thoe, "Oh, matsatsi a mehlolo a fetile. Ha ho ntho e kang pholiso ea Khalalelo."

<sup>167</sup> Oh, nku ea makhonthe ha e mamele seo. Empa li utloa terompeta eo, eo ea sebele.

<sup>168</sup> Lenaka leo la kereke le ka letsä ntho efe. U ka 'na . . . Shebang seo e se tšoereng kajeno, linaka tsa kereke. E mong o mathela ka *mona*, le e mong o mathela ka *mane*. 'Me diabolosi o lutse motšeо, a re, "Moshana, ba loantšana feela. Ke phetho. Ha ke a tlameha le ho phahamisa letsoho la ka."

<sup>169</sup> Empa, moena, e re ba tle ka mabotho hang khetlo le leng, ho khutlela litaelong tsa kakaretso. Oh, banna! Le tla bona "raohang, masole a Bakreste," hantle, ha se ho mamela linaka, empa ho mamela terompeta.

<sup>170</sup> Ha re khefutseng, motsotsø feela, ho khutla re shebe ba 'maloa joale. Re mothating oa ho koala, hoba ha ke batle ho le tšoarella halelele hakana mona. Empa ha re khutleleng morao re shebe ba 'maloa ba utloileng molumo ona. Ha re nkeng . . . 'Me ba ne ba khotsoe. Joale, ke le bontšitse sohle se sa tsitsang. A re qotseng mophetøa a le mong feela oa khale, nakoana feela.

<sup>171</sup> Ha re qotseng moporofeta Jobo. Joale, monna eo o fetisitsoe tekong, empa o tsebile Molimo o hloka nyehelo ea secheso. Ke seo Molimo o se hlokileng, 'me e le phetho seo O se hlokileng. 'Me ho sa tsotolehe likoluoa tse oetseng lelapa la hae . . . Molimo kamehla ha o . . .

<sup>172</sup> Ha u bona litaba tsa motho li mo tsamaela ka phoso, ha se hore o otloa ke Molimo. Mohlomong ha se hobane a fapohile thato ea Molimo. O a tseba haeba a mametse terompeta pelōng ea hae kapa che.

<sup>173</sup> Molimo o ne o hlokile nyehelo ea secheso, 'me Jobo a ema holim'a eona hantle. Ke phetho. Ba itse, "Jobo, u moetsalibe oa

sekhukhung. U ntse u etsa ntho e phoso.” Empa o tsebile hantle ho feta. A itulela hantle mono, kaha a ne a utloile molumo oa terompeta, ’me a o tiisetsa hantle mono.

<sup>174</sup> ‘Me, qetellong, hantle ntlhaneng ea ho qetela, mohla a neng a . . . Diabolosi o ne a lokolotsoe holim’ a hae, ho nka lelapa la hae, ’me a nka bana ba hae, ho nka likamele tsa hae, le ho nka leruo lohle la hae, le ho mo amoha monate ’meleng. A lula thotobolong. Lintho tsohle eka li felile. Empa le joale o itse, “Ke a tseba Molopolli oa ka o a phela. ’Me qetellong ea matsatsi O tla ema holim’ a lefatše. Leha liboko tsa letlalo li senya ’mele ona, leha ho le joalo ke tla bona Molimo ke le nameng ea ka.” Ha ho letho le leketlang ka taba eo, na se ne se le teng? E seng, “Ke—ke—ke—ke batla ke nahana hore O a phela.” O itse, “Ke a tseba O a phela, ’me O tla ema holim’ a lefatše matsatsing a ho qetela. Leha liboko tsa letlalo li ka senya ’mele ona, koana ke tla bona Molimo ke se ke le nameng.” Oh, banna! E etsahetse. O ne a khotsoe kannete.

<sup>175</sup> Abrahama, o ne a ile naheng tsatsi le leng, a utloa Molimo o re, “Abrahama, Ke tla . . .” Oa köpana le Abrahama pele Lentsoe le ngoloa, ’me Oa re, “Abrahama, Ke tla u neha mora ka mohatsa’o, Sara.” ’Me mohlang oo a le lilemo tse mashome a tšeletseng a metso e mehlano, ’me Abrahama le mashome a supileng a metso e mehlano. ’Me ba itlhophisetsa lona, a se ke a hlabjoa ke lihlong ho paka. A tseba hobane o tla fumana mora.

<sup>176</sup> ’Me Bibebe e boletse, “Ha a ka sisinyeha pallong ea Molimo ka ho se lumele, a mpa a kholoa ruri.” Amen. Ho kholoa ruri, ho bolelang hobane o köpane le makhaolakhang. Amen. Ke eona. Makhaolakhang ke qetello ea tsela. Ke ntho ea ho qetela. Ke—ke eona kaofela.

A re, “Ke khotšoe hoo ka botlalo, seo Molimo o se tsepisitseng, Molimo o khona ho se phethisa.”

<sup>177</sup> Na lōna, bosiumg bona, na le hlile le khotsoe hobane ona ke Moea o Halalelang? Na le hlile le khotsoe, hoba ena ke eona tsela? Na le khotsoe, Ke Mofolisi? Na le khotsoe hobane O khutla hape? Na le khotsoe ruri hoba Ke oa maobane, kajeno, le kamehla? [Phutheho e re, “Amen.”—Mohl.] Amen. Ho kholiseha ka botlalo! E.

<sup>178</sup> A re nkaneng le e mong, Elia, ea emeng holimō mono thabeng. O ne a tsekisane le Jesebele le sefahleho sa hae se ferefiloeng, ’me a batla a khathetse ke eona. Mabapi le basali bohle ba ipapisitseng le mofumahali oa pele, mohlomong kamekuto ea meriri ea water-head le sefe seo ba se hlakisitseng letsatsing leo. A tsoenyane le eona hakaale hofihlela e—e batlide e mo kobotetsa fatše.

<sup>179</sup> Ka kotloloho, Molimo oa re ho eëna, “Theohela mane. U a tseba, pula e na matsatsi a mang le a mang a mabeli kapa a mararo a veke, tikolohong ena. Empa ema khahlano le Akabe,

u 'molelle, 'HO RIALO MORENA. Le phoka e ke ke ea lala e tsoa leholimōng hofihlela ke e bitsa.'” Oh, banna!

<sup>180</sup> Ha a re, “Joale, Akabe, mohlomong, e ka tsoa e sebelitse ka mokhoa ona.” Oh, che. O ne a khotsoe ka bottlalo, ha ho letho le sa tsitsang. “Phoka e ke ke ea lala, lipula li ke ke tsa theoha, pele ke e bitsa.” Amen. Khanya! Oh, hobaneng? O ne a utloile terompeta. E ne e tsitsitse. O ne a tsebile Molimo oa hae. O tsebile se seng. Molimo o buile lentsoe leo, maholimō ohle le lefatše li tla feta hofihlela e—e etsahetse. E tla lokela ho etsahala. O ne a kholisehile ka bottlalo.

<sup>181</sup> Joale, O itse, “Elia, Ke batla u nyolohele mane tulong e omeletseng ka ho fetisa naheng, koana holim'a thaba moo ho se nang le melapo. Empa Ke u boloketse o mong holimō mono.”

<sup>182</sup> O ne a khotsoe ka bottlalo. O ile a hloa thaba a lula pel'a molapo oa Kerithe. “Me joale ebe ke tlil'o etsang holimō mona?”

“Ke se ke laetse makhoaba ho u fepa.”

<sup>183</sup> “Joale, ebe makhoaba ao... Joale, bea butle motsotsotso, Morena?” Che, che. Terompeta e llile. Ho lekane. “Ebe e tla etsahala joang? Ha ke tsebe. Ha ke tsotelle. Le a bona? Ha ke a tlameha ho touta ka eona. Ke tšoanelo ea Molimo eo. O itse O laetse makhoaba.”

<sup>184</sup> “Be, Morena, na U ka nqhaqhollela eona, le ho mpolella moo ao... makhoaba ao a kene sekolo kae mono, ho ithuta ho bua Seheberu? Ke ntho ea mofuta mong... Na a pheha holim'a litofoto tsa gase, kapa na mollo oa oona ke oa patsi, kapa ebe a sebetsa joang? ‘Me ebe a tla... A tla hlaba phoofolo ea mofuta mong? Ona ke nonyana e nyenyane feela. Ebe a tla ntlhabela nama ea khomo joang, ho ntlisetsa semenchisi ea bifi?’ Le a bona? Le a bona? Ha e a botsoa.

<sup>185</sup> Molimo, e—e terompeta ea Molimo, kolu ea Oona e buile e itse, “Ke se ke entse!” E seng, “Elia, Nka tsoa tsoa ke e entse.” “Ke se ke e entse. Ke tla e etsa. Ke se ke e entse.” Amen.

<sup>186</sup> Ke Molimo oa rōna oo, bosiung bona. E seng, “O tla e etsa.” O se o e entse. Amen. O se o e entse. Amen. E seng, “O tla khona; A ka khona; mohlomong A ka.” O se o e entse. “Ke se ke laetse makhoaba.”

<sup>187</sup> O laetse Moea oa Oona bathong bohle. O laeletse mahlohonolo a Oona. O nyoloheletse Holimō, oa nea batho lineo. Motho e mong o tla e fumana. Motho e mong o tla e hanel. Ha se mosebetsi oa ka kamoo e tlang kateng. Ha feela e ka fihla mono. Molimo o itse e tla ba joalo, ‘me e joalo. Petrose o buile, ka Letsatsi la Pentekosta, “Bakang, e mong le e mong oa lōna, le kolobetsoe ka Lebitso la Jesu Kreste tšoarelong ea libe tsa lōna, ‘me le tla nka neo, Moea o Halalelang.” Ebe O tla fihla joang? Ha ke tsebe. “E—e pallo ena e etselitsoe bana ba lōna, le ba leng hole kaofela, bao Morena Molimo oa rōna a sa tlang ho ba bitsa.”

Joale, le ke ke la e qhela ka tlholoso. Terompeta e se e llile, 'me ke a e lumela. Ke e mameitse, 'me ke e fumane. Amen. Joale ak'o leke ho phehisana khang le 'na ka eona hang. Amen. Oh, ha ke a phethahala. Che.

<sup>188</sup> Joaloka bosiusing boo, khaitsei oa khale oa 'mala, o itse, "Moholo, na nka paka?"

"E, mofuma'li."

<sup>189</sup> A re, "Ke batla ho bua ntho e le 'ngoe ena." A re, "Ha ke—ke—ke seo ke batlang ho ba sona." 'Me a re, "Ha ke seo ke tlamehang ho ba sona. Empa, ke tseba ntho e le 'ngoe, ha ke seo nkileng ka ba sona."

<sup>190</sup> Ka hona, seo, re ikutloa joalo ka eona joale. Ha ke seo ke nnileng ka ba sona, hobane, ke pholositsoe bosiusing bona, ka mohau oa Molimo, le ho amohela kolobetso ea Moea o Halalelang, holim'a thomo. O ne o tsholloe mona ka Letsatsi la Pentekosta, pallo ea abjoa, mme ke e lumetse. Ha ho letho le leketlang. Ke utloile molumo. Mme ke bile le kutlo, mme ke khotsue hobane ke seo e leng sona. Ruri. Kea tseba ho joalo. Ehlide.

<sup>191</sup> Simeone, mohale oa khale oa lilemo tse batlileng li le mashome a robeli, lilemo tse makholo le pele moporofeta a fihla lefatšeng, empa a tsamaea ka seriti se seholo. Moea o Halalelang oa bua le eëna ka letsatsi le leng, ho re, "Simeone, u a tseba, u ke ke oa shoa pele u bona pholoso ea Morena." Thoriso!

<sup>192</sup> Ekaba moprista e moholo, o ntse a pholla litelu tsa hae makhetlo a 'maloa, 'me a re, "Simeone, u tšoanelo ho kama litelu tsa hau ka lehlakoreng le leng."

A re, "Hoo ha ho etse phapang ea letho."

"U tseba joang hobane u lõkile?"

"Moea o Halalelang o mpoleletse. Nke ke ka shoa."

<sup>193</sup> "Khele, Simeone, khele, u a . . . Khele, u mothating oa ho shoa hona joale hantle."

<sup>194</sup> "Oh, ha ke tsotelle seo u se buang. Empa Molimo o mpoleletse nke ke ka bona lefu pele ke bona pholoso ea Oona. Ha ho letho le leketlang. Nke ke ka shoa. Nke ke ka shoa pele ke O bona." Amen. Ke eona.

"Ebe u tla e khona joang, Simeone?"

"Na, taba eo ha e batle 'na."

"Ebe O kae, Simeone?"

"Ha ke tsebe."

"U tseba joang hobane u tla 'Mona?"

<sup>195</sup> "Molimo o boletse joalo. Ke eona. Ke Lentsoe. Nke ke ka bona lefu pele ke 'Mona." Oh, banna!

<sup>196</sup> “Oh, mothoana oa batho. Ehlide, o fapane hlooho, le a tseba. Mo leseng feela.”

<sup>197</sup> Empa o Mo bone, leha ho le joalo. E, monghali. Molimo o betlela batho ba tlāng ho nka Lentsoe la Oona tsela.

<sup>198</sup> Jesu, mehleng ea Hae lefatšeng mona, ’me O ne a eme mono lebitleng la Lazaro.

<sup>199</sup> Kapa, pele ho moo, mehleng ea khohlano ea Hae le e—le batho, ba bua kamoo Eēna, leha a eso finyelle lilemo tse mashome a mahlano, ’me koana A bolela a bone Abraham. Ana le lemoha kholiseho ea Hae? O itse, “Le pele ho Abraham, KE TENG. KE TENG.” E seng, “Ke ne ke le teng, kapa Ke ba tla ba teng.” Empa, “KE TENG. Ke khotsoe.”

<sup>200</sup> Eaba, O bua, lebitleng la Lazaro, pele A theohela mono, A rialo, ho bolella Maretha, A re, “Ke ’na tsoho, Bophelo.” E seng, “Ke tlamehile joalo, kapa Ke tla ba seo.” Empa, “KE TENG.” Amen.

<sup>201</sup> “Moena oa ka, holane Oa ba teng mona, a ka be a sa shoa. Empa esita le joale, Morena, sohle seo U se kōpang Molimo, Molimo o tla U nea sona.”

A re, “Moena oa hau u tla boela a tsoha.”

<sup>202</sup> “Oh, o tla tsoha matsatsing a bofelo, tsohong ea bohole. E ne e le moshanyana ea lōkileng. Yaa, ke a lumela hobane o tla tsoha.”

<sup>203</sup> Empa Jesu a ka A ikotlolla nakoana, ka sebele, tsoe, ho re, “Empa Ke ’na tsoho le Bophelo.” E seng, “Ke tla ba teng; Ke tlameha ho ba teng,” kapa joalo-joalo. “KE TENG.” Ha ho letho mono, ha ho letho le kolokotehang, le tsokotsehang ka seo. Ha ho letho le leketlang. E ne e kholisehile.

<sup>204</sup> “Ke na tsoho le Bophelo. Ea lumelang ho Na, leha a shoele, o tla phela. Ea phelang mme a lumela ho Nna a ke ke a shoa le ka mohla.” Joale, e seng, “Ba ka tsoha ba sa etse; mohlomong ba ke ke.” “Ba ke ke.” Ha ho letho, ha ho letho le sa tsitsang ka eona. Ba ke ke ba shoa.

<sup>205</sup> “Ea utloang Mantsoe a Ka ’me a lumela ho Ea Nthomileng o na le Bophelo ba kamehla, ’me a ke ke a tla Kahlolong, empa o se a tlohile lefung ho kena Bophelong.”

<sup>206</sup> “Ha ba tlameha ho tla Kahlolong?” Ba ke ke ba tla Kahlolong. Amen. O ipelesitse Kahlolo ea ka. Ha e amane le eona ka letho mono. Amen. Ke moo. “Tlohile lefung ho kena Bophelong.” Oh!

<sup>207</sup> Joale o itse o e lumetse. Joale, Jesu ha a eso re, “Be, u a tseba, haele moo u lumela seo, ’me u a tseba hobane Ke Lentsoe, ’me —’me Ke—Ke . . . U a tseba Ke ’na Ea neng a tla tla. U pakile taba eo. U e lumetse. Ke tla u bolella seo re ka se etsang. Ha re tlohe re phuthe baholo ’moho, re theohe re bone haeba re ka etsa letho ka eona.” Che, che. O itse, “Ke tla . . .” E seng, “theoha ho bona

haeba Nka mo tsosa.” “Ke tla ea mo tsosa.” Amen. E seng, “Ke tla—Ke tla leka.” “Ke tla khona.” Ha ho letho le leketlang. E ne e se molumo o leketlang, mohla A itseng, “Ke tla. Ke tla.”

<sup>208</sup> ‘Me eo Ea itseng, “Ke tla,” o u etselitse tsepiso. Alleluia! Oh, banna! Amen.

“Ke tla ea mo tsosa.”

<sup>209</sup> Hape O itse, “Qhaqhang tempele ena, ’me Ke tla bona seo Nka se etsang ka eona”? “Qhaqhang tempele ena, ’me Ke tla e tsosa ka matsatsi a mararo.” Ha ho letho le leketlang. “Joale Ke tla leka. Le ka ’na la shebella ho bona haeba Nka e phethisa kapa che”? Ah, che. “Ke tla e tsosa.” Ha ho letho le leketlang. “Ke tla e tsosa. Le—le ka e qhaqha; Ke tla e tsosa.” Oh, banna!

<sup>210</sup> Hobaneng? O tsebile hoba E ne e le Motho eo, kahar’ a Lengolo, ea boletsoeng ke Davida. “Nke ke ka tlohela moywa Hae diheleng, Nke ke ka tlohela Mokhethwa wa Ka hore A bone ho bola.” ’Me O tsebile A kenyelitsoe pallong ea Lengolo leo, ka hona eaba O kholisehile.

<sup>211</sup> Joale, ana re ke ke ra kholiseha? Re a Mo nka, joaloka mohlala, linthong tse ling. Ha feela Lentsoe la Molimo le e buile, na re ke ke ra kholiseha ka Lentsoe joalokaha le Eëna a entse ka lona?

<sup>212</sup> “Ke ’na tsoho le Bophelo.” “Ke tla o tsosa hape.” Amen. Hobaneng? O tsebile hobane Lentsoe le buile ka eona, ’me A kholisehile ho tsoa.

<sup>213</sup> Haeba ke le motho eo mono ho Johanne 5:24, “Ea utloang Lentsoe la Ka ’me a lumela ho Ea Nthomileng, o na le Bophelo ba kamehla, ’me Ke tla mo tsosa hape matsatsing a qetelo. A ke ke a tla Kahlolong; o tlohile lefung ho ea Bophelong.” Bao—bao ke röna. ’Me ebe re tshohile eng? Molato ke’ng?

<sup>214</sup> Phapang ea tlapiso ea hau ke efe? U ipitsa *sena, sane*, kapa se *seng*. Re bana ba Molimo, ka mohau oa Molimo. Re tlatsitsoe ka Moea o Halalelang, ka mohau oa Molimo. Phapang ke efe haeba *enoa* e le *sane* kapa *sane*, haeba e le Presbeteriene, Methodise, Baptise? Haeba a tlatsitsoe ka Moea o Halalelang, Bophelo bo tsosang bo ahile ka ho eëna. Amen. E. Joale, ka Letsatsi la Pentekosta...

<sup>215</sup> Jesus o ba boleletse, ho Luka 24:49, “Bonang, Ke romela pallo.” E seng, “Nka e etsa. Ke tla bona ebe Nka etsang ka eona.” “Ke tla romela pallo ea Ntate oa Ka holim’ a lõna. Le mpe le nyolohele motseng oa Jerusalem le tle le be le tlatsoe ka matla.”

<sup>216</sup> Joale, ho ka thoeng holane ba ema, a re re, oh, matsatsi a tšeletseng, ba re, “Ebe re emetseng? Ke lumela re tlameha ho e amohela ka tumelo. Ha le hopole joalo?”

<sup>217</sup> Ho ka thoeng holane Jemesa a itse, ka—ka letsatsi la borobong, ho re, “Simone, tloo koano motsotso. U a tseba, letsatsi le leng ke arubelitsoe ke maikutlo a mohlolo. Le a bona?

'Me na u a tseba ke lumelang? Ke—ke—ke lumela A sa hlole a re batla re ntse re eme mona hape. Ke a lumela re—re se re o fumane. Ha u hopole joalo? Ha re tsoeleng pele ka mosebetsi oa rōna. Ha re tsoeleng pele ka bosebeletsi ba rōna"? Oh, e ka be e sa etsahala le ka mohla.

<sup>218</sup> Khele? Ba tsebile seo moporofeta a se boletseng. Joale mamelang. Moporofeta o itse, "Ke molao holima molao, taelo holima taelo, holima taelo; hanyenyane mona le hanyenyane mono." "Le tiisetse tse molemo." "Ka baka leo ke ka melomo e kokotletsang le ka maleme a sele Ke tlang ho bua le batho bana. 'Me ena ke phomolo, sabatha." Ba tsebile ntho e tlamehile ho etsahala mohla O tlileng.

<sup>219</sup> "Ke tla tšela Moea oa Ka letsatsing la qetelo." Joele 2:28, "Ho tla etsahala matsatsing a qetelo, ho rialo Molimo, Ke tla tšela nama eohle ka Moea oa Ka, mme bara ba lona le barali ba tla porofeta. Ke tla tšela Moea oa Ka holim'a bahlanka ba Ka le makhabunyane a Ka, ka letsatsi leo. Ke tla hlahisa lipontšo holimō leholimōng le—le tlase lefatšeng, le mollo, le mosi, le mouoane."

<sup>220</sup> Ba tsebile boiphihlelo ba mofuta bo tlameha ho teela ho fihla hoo ha Moea o Halalelang hare. Ba ne ba sa t'l'o amohela molumo o leketlang. Empa eitseha ba utloa ntho eo e fihla, 'me ba e bona e khema le bopaki ba Bibele, ba ne ba sa leketle. Ba tsoa ba kena hantle literateng. Ntšoareleng. Oh, banna! Ba ne ba kholisehile hobane e ne e le Moea o Halalelang.

<sup>221</sup> Na le a tseba ba ne ba kholisehile hakae? Hofihlela, Petrose, mothaka eo ea sa rutehang, a qhometshe holim'a sekoqo kapa lebokose, kapa nqa e ngoe, ho re, "Lona banna ba Judea," petanyana e tsoile joaloka ea mokokonyana oa bantamo. A re, "Lona banna ba Judea, le lona ba ahileng Jerusalema! Ke ne ke le tshaba, nakoana e fetileng; ha ke joalo, joale. Le ke le tsebe ke hona, 'me le utloe mantsoe a ka. Batho bana ha ba tahoa joalokaha le lekanya. Empa hona *ke Hoane*" "Re a *tšepa* hona *ke Hoane*"? "Re a *lumela* hona *ke Hoane*"? A re, "Hona *ke Hoane* ho boletsoeng ke moporofeta Joele." Alleluia! Ha ho letho le leketlang ka eona. "Hona *ke Hoane* ho boletsoeng ke moporofeta Joele." Oh, banna!

<sup>222</sup> Jesu o itse, ho Mareka 16, thomo ea Kereke ea Hae, "E-eang ka lefatše lohle, le bolele Evangel." "Mehlolo ena e ka tsoa tsoa; e tla etsa joalo, hang ka nako, haele ntho e ka etsoang"? "E tla teela ba lumelang hare. Mehlolo ena e tla tsamaea le balumeli. Ka Lebitso la Ka ba tla leleka batemona. Ba tla bua lipuo tse ncha. Ha ba tšoara linoha leha ba noele ntho e bolaeang, ha e ka ke e aba etsa hampe. Ha ba bea matsoho hodima ba kulang, ba tla fola." Ha se, "Mohlomong." "E tla etsa. Mehlolo ena e tla tsamaea le ba lumelang."

<sup>223</sup> E reng ke e akaretse, ka ho bua sena, moena, khaitseli, metsotso e mmaloa e latelang. Ke a e lumela. Ke a lumela hobane ntho ka 'ngoe, ntho efe e khahlano le Hoo, ha e a loka. Ke a lumela, sohle se leng khahlano le Hoo se tla hlolleha. Ke a lumela, ha ke tsotelle bokomonisi bo bo kae, kapa mekha e mekae *ena* le mekha *eane*, le bokerekli le Boroma, le ho hong hohle, Maamerika le sohle sesele se tla hlolleha.

<sup>224</sup> Empa Lentsoe leo le tla ema ka Bohlolleho, hobane Ke Lentsoe. 'Me pele eba Lentsoe, eka khona e be mohopolo. 'Me lentsoe ke mohopolo o pepesoang. 'Me Molimo, kahara Bohlolleho, e ile ea fihlela monahano oa Oona. O ile oa pepesa mehopolo ea Oona. Oa fetoha Lentsoe, 'me Lentsoe le tlameha ho bonahatsoa.

<sup>225</sup> Ka lona lebaka leo, mohla A buileng ka Messia, Messia o ne a tlamehe ho fihla. O buile ka Kereke e tla ho hlaha matsatsing a qetelo, e se nang letheba leha e le letsika ho eona; ho tla hlaha Kereke mono. Alleluia! O e buile. Ke nka Lentsoe la Oona. Ke a lumela.

<sup>226</sup> Ke a lumela hobane O tšepisitse Moea o Halalelang ho molumeli e mong le e mong ea tlang ho lumela. Ke a lumela hore Petrose, ka Letsatsi la Pentekosta, mohla a ne a rera theroy e tsoileng ka mahetla eo, le ho ba laela bohole ho baka le ho kolobetsoa, hore mehlolo ena e tla latela, le *sena*. "Mang le mang ea bitsang Lebitso la Morena o tla bolokeha." Ke a lumela hoo ke 'Nete; ho ema holim'a eona. Ke e bone e bonahatsoa.

<sup>227</sup> Ke tseba hore ke hebisana le eona. 'Me ke a tseba hore ke ntse ke leka ho hata khato. Pele ke hata khato, ke tlameha ho khaola lefito ka leng, moutloa o motala, sohle sesele, ho e hleka tseleng. Empa nako le nako ha u hata khato, u tsoelapele. Amen. Tšoara thipa feela 'me u e khethule.

<sup>228</sup> Bongata ba lõna le hopola Paul Rader, motsoalle ea theko e thata haholo. Ke ne ke le moreri oa moshanyana feela, ngoana. Ke tloaetse ho nyolohela Fort Wayne, ho mo utloa, mane Rediger Tabernacle. Mothaka oa motonana! O ne a chechella motšeо koana, a khoese marikhoe a hae, a phahamise letsoho la hae a rora joaloka bere, 'me ke nahane hore o tla qhoma a phunya sefala. E ne re ha a... 'Me a qale ka theroy, yaa, ho Genese, a qetelle holimõ koana ho Tšenolo, hohle morao le pele. Paul e ne e hlile e le monna.

<sup>229</sup> Ha a bua tsatsi le leng, o itse, "Ke ne ke le moremi oa lithupa holimõ Oregon," moo a tsoang teng. Ho re, "Tsatsi le leng, le a tseba," a re, "ke—ke ne ke le masimong a boromua feela, nqa e 'ngoe koana." Ke a lebala kae. 'Me a kene mosebetsing oa boromua.

<sup>230</sup> O ne a lumela Molimo, a lumela pholiso ea Khalalelo. 'Me Paul a re, hantle mona moo kereke ea lefatše e emeng teng kajeno, a re, "Holane ka rekisetza Mapentekosta a chesang tlere molaetsa

oa ka oa mohau, sebakeng sa ho etsa seo ke se entseng mona le lōna sehlopa ting,” ho re, “’me le ntoutisite, hofihlela moo ke namileng likete tsa likete tsa didolara. Ka touta hofihlela ke tšoaroa ke mofetše, ’me joale ke a shoa. Holane ka rekisetra Mapentekosta a chesang tlere molaetsa oa ka oa mohau, Molimo o ka be o ntlhohonolofalitse ka ho khaphatseha ka ona.” Hantle.

<sup>231</sup> A ipoletse a ne a theohetse kahara—kahare likhoa, a tšoaroa ke feberu ea metsi a matšo kapa ho hong. E ne e tšabeha. ‘Me a le motšeо koana kantle likhoeng, ’me e le molumeli ea lomahantseng meno oa Khalalelo. ‘Me a re a eketsa ho kula le ho eketsa ho kula. A rapela, ho rapela. ‘Me baromuoа ba bang ba itse ba tla nka seketoana ba fumane ngaka. Khele, ba ka qeta matsatsi ho finyella ngaka. ‘Me a re, “Ke—ke... Le se ke la etsa joalo. E leseng feela.” Ho re, “Ha Molimo o sa mpholise, ke tla ikela Lapeng.”

<sup>232</sup> A re mohatsa’e o ne a lula le eèena phaposing. Ha ’na ha fifala le ho fifala. A re eaba o bitsa mohatsa’e, ho re, “Ratu, tšoara letsoho la ka.” Ho re, “Se phetse feela ho nthapella. Ho ntse ho fifala joale.” Ho re, “Ke—ke lumela meriti e tšoloha e nteela hare.” A re, “Tšoara... Tšoara letsoho la ka feela u rapele, ke sa ntse ke tsoa.” A itökisetra hona, ho köpana le Molimo.

<sup>233</sup> Eaba o a haptjoa. ‘Me a re o lorile a khutletse motšeо mona Oregon hape, e le mohlankana, a ntse a rema patsi. ‘Me a re moetapele oa liahelo a re, “Paul, nyolohela lephakong le leng lena la leralla, o reme sefate se itseng, sa boholo bo itseng.”

<sup>234</sup> A re eaba o matha a nyoloha leralla ka meomo ea hae ea bocha, ’me a rapalatsa sefate, ’me a se betla, a liketse selepe. A re phaene e bonolo eo, selepe sa hae se bohale, se seholo, se nqā li peli sa loma phaene eo hamonate. ‘Me a re o ile a e tšoara, ho nahana, “Be, ke tla se jara feela ke theohe leralla.”

<sup>235</sup> Monna ea shahlileng, ea matla, ho re, “Nkile ka ikoetlisetsa ho notlela mangole a ka, le ho inamoloha ka mokokotlo oa ka, karolo e kholohali ea monna.” Mesifa ea hae e ne e le mokotlong oa hae le mahetleng, bokamorao ba meomo ea hae. Ho re, “Ke ne ke phahamisa sekoqo se seholo,” ho se beha mahetleng a hae, ho ikela. Empa ho re, “Seo e ne e le sekoqo sa tloaelo feela, empa,” ho re, “empa feela...” [Moena Branham o thula maekrofono—Mohl.] Ke masoabi. Ho re, “Ke mpa feela ke sa khone ho sisinya sekoqo seo.” Ke masoabi.

<sup>236</sup> A re, “Ka mpa ka sitoa feela ho sisinya sekoqo seo.” A re, “Ka kolokochana, ka kolokochana ka leka ho se phahamisa, ha ke a khona feela.” A re, “Ka minya matla a ka ohle.” A re, “Feel a ha ke a khona ho sisinya sekoqo seo.” Le ho re, “Qetellong, ka fokola hakaale, ka lula fatše ka itšetleha ka sefate ’me ka qala ka iphumula mofufutso. Ke ne ke felile matla.”

<sup>237</sup> Le ho re, “Hamorao, ka utloa lentsoe la moetapele oa ka.” Empa ho re, “E le lentsoe le monate-nate leo nkileng ka le utloa.”

Le ho re, “Ha ke retoloha, lentsoe la re ho ’na, ‘Pauluse.’ ’Me ka re, ‘E, moetapele, ke eng?’ Ho re, ‘Ntho eo u e rutlelang?’” A re, “Be, u ntaetse ho se theolela liahelong, ke mpile ka ikhathatsa feela, ka sona. Ke mpa—ke mpa feela ke sa khone, moetapele.’ A re, ‘Paul, na ha u bone molapo oo oa metsi o phallang hantle mane?’ Ho re, ‘E.’ Ho re, ‘Molapo oo o phallela hantle liahelong. Hobaneng u sa se lahlele feela ka metsing, oa se qhomela ’me oa se kalla ho theohela liahelong?’ Ho re, ‘Ha ke eso e nahane.’”

<sup>238</sup> Eaba o se thethela ka metsing, a se qhomela, ho re, “Oh, banna!” A qala a phutla metsi, a qhomaka, a hooelelitse, ka lentsoe la hae lohle, a sa ntse a palame maqhubu, le ho theoha ka metsi, sohle, a kaletse sekoqo sena, a lepella, a hooelelitse, “Ke se palame! Ke se palame!”

<sup>239</sup> A re, ntho ea pele, a hlaphohelo, o ne a le bohareng ba fuluru, ’me mohatsa’ e a ntse a hooelelitse le eëna. O ne a hlabalitlatse, “Ke se palame! Ke se palame! Ke se palame!” Baena!

Ditjhaba di a pshatleha, Israele e a phaphama,  
Lipontšo tseo Bibebe e li boletseng;  
Matsatsi a Balichaba a baliloe, ka tsietsi tse  
phophothang.  
“Khutlelang, oho lõna ba qhalaneng, habo  
lõna.”

<sup>240</sup> Molaetsoa ona oa Lentsoe la Molimo ke ’Nete. Ho phela kapa ho shoa, ke O palame. Ha ke . . . Ha ke phehisane le Ona. Ha ke leke ho pheha khang ka Ona. Ke O nkile feela, ’me ke O palame. Banyefoli ba ka hlahla. Ke tla phutla leqhubunyana ka leng. Ke kena liahelong, le leng la matsatsi ana, ho palama Lentsoe la Molimo. Amen. Ke kholisehile ho fihla mono.

Ha re rapeleng.

<sup>241</sup> Hobaneng u ka hebisana le moroalo oa hau oa sebe? Hobaneng u ka ba maemong a hau, ha u tsebe moo u emeng, ho matha ho tloha kerekeng ho ea kerekeng, le tulong se seng ho ea tulong se seng? Hobaneng u sa e thakhise feela, sefapanong, bosiung bona, le ho palama Lentsoe? Hobaneng u sa nke tsepiso ea Molimo feela bosiung bona le ho palama u tsoa litšileng tseo, ho ea joalo ho itšohlometsa kantle boputsoeng bo boholo, bo batsi hakaalo? U se ke oa hebisana le Lona. U se ke oa touta ka Lona. Lumela ho Lona feela, u Le amohele. Ke ’Muso o ke keng oa sisinyeha. Palama holim’ a Lona.

<sup>242</sup> Ha u kula bosiung bona, nka tsepiso ea Molimo, “Ke ’na Morena ea folisang maloetse a lõna kaofela.”

<sup>243</sup> “Ebe ke tla hlaphohelo joang, Moena Branham? Ngaka e ntłaleha ke tšoeroe ke pelō, ke tšoeroe ke mofetše, ke tšoeroe ke sena, sane, e ka bang eng. Ke setholo, semumu. Ke sefofu.” Eng, hoo ho etsa phapang efe? Amohela tsepiso ea Molimo feela ’me u e palame.

<sup>244</sup> Ha re tšoareng thupa e khõlõ, re e khokhothele mona, le ho ngola holim'a eona, "Ho rapetsoe thapelo ea tumelo bosiung bona; ke tloha ho ea e palama. Bibebe e itse, 'Thapelo ea tumelo e tla pholosa mobabi, 'me Molimo o tla mo emisa. Ekareha a entse sebe, o tla tšoareloa sona.' Ke e palame. Ke a e lumela."

<sup>245</sup> Haeba u entse phoso, haeba u khelohile bosiung bona, "Ea patang sebe sa hae a ke ke a atleha. Empa ea ipolelang sebe sa hae o tla hauheloa." Hobaneng u sa ipolele sona?

"Be, ke tšoanelo ho etsa'ng, Moena Branham?"

<sup>246</sup> Ipolele sona, o ntano e palama. Molimo o itsalo. E tla u tlosa hantle sebeng sa hau.

<sup>247</sup> Na motho eo o teng mona bosiung bona, ea esong ho behe tšepo ea hae kannete ho Molimo bakeng sa pholoso ea moea oa hau, 'me u rata ho hopoloa thapelang re sa koala? Na u ka phahamisa letsoho la hau, ho re, "Nthapelle, Moena Branham. Ke batla ho lahla lipelaelo tsa ka." Molimo a u hlohonolofatse. Molimo a u hlohonolofatse, mofuma'li. "Ke batla ho lahlela . . ." Molimo a u hlohonolofatse, moena. Molimo a u hlohonolofatse morao mono, monghali. Molimo a u hlohonolofatse, leleiti le lecha. Ke hantle. Ho lõkile. Molimo a u hlohonolofatse. "Ke batla ho lahlela lipelaelo tsa ka holim'a Hae le ho palama tšepiso ea Hae joale. Ke lumela hore O tšepisitse, 'Ea tlang ho 'Na, Nke ke ka mo lahlela kantle.'"

<sup>248</sup> "Ha se kamoo ke ikutloang, 'Ke rapeletsoe maobane bosiu, Moena Branham; ha ke ikutloe betere ka letho.'" Ha e amane le eona ka letho. Ha ke a palama holim'a maikutlo a ka. Ke palame holim'a Lentsoe la Hae. Ke tšepiso ea Hae.

<sup>249</sup> "Moena Branham, nkile ka ea aletareng, hane kapa hahlano, ho leka ho amohela Moea o Halalelang. Ha ke eso o fumane."

<sup>250</sup> Ha e bolele letho. Lula feela holim'a thupa eo, e tla u fihlisa ka kotloloho tlase liahelong, liahelong tsa Letsibolo, liahelong tsa bahalaleli. U tla fihla mono. Lula feela holim'a thupa ea hau, 'me u hlabe litlatse le lithoriso tsa Molimo ka matla a bokhoni ba hau. E sebetsoa joalo.

<sup>251</sup> Re sa inamisitse lihlooho tsa rõna, na u hlile u batla ho e palama? Ka hona, nthoana eo e rutlang pelong ea hau, na u ka rata ho tla koano le ho ema ka pela aletare motsotso? Ha re rapeleng 'me re le behe matsoho. Re tla thabela ha u ka tla.

<sup>252</sup> Ha re tšoareng nthoana eo e thatetsoeng pelõng ea hau bosiung bona, le ho re, "U a tseba, u phoso. Joale phahamisa letsoho la hau." Ke hantle.

<sup>253</sup> U hatile holim'a sekoqo, sekoqo sa tšepiso ea Hae; sefate, sefapano se renngoeng. Kopela sefapano sena ka liphaka tsa hau joale. Nyolohela mona hantle le ho re, "Joale ke tla se palama. Hona joale ke tlil'o e lumela. Ke tlil'o e amohela. Ke a e lumela.

Ha ke sa tla fetoha. Ke tla lula hantle le Lentsoe leo, hofihlela e le 'ngoe eo e thasiselitsoe. 'Me hoba e le 'ngoe eo e thasisetsoe, ke tla nanabela hantle 'me ke late e 'ngoe, le ho qala ke e palama hantle ho tsoella." Le a bona?

<sup>254</sup> 'Me lentsoe ka lentsoe, khato ka khato, u tla rua sohle seo Molimo a u tsepisitseng sona. "Hoba tsohle li ka etsoa," ho ea tla palama holim'a eona. Palama holim'a tsepiso ea Hae, hoba ehlile e tla u fihlisa liahelong. E tla u fihlisa ka pel'a Sefahleho sa Molimo.

<sup>255</sup> Na u ka tla joale re sa inamisitse lihlooho tsa rōna? Le ho kōpa mang le mang ea batlang ho ema aletareng, nakoaneng ea thapelo feela.

<sup>256</sup> "Ke e palame, Morena. Morena, ke a lumela. Lipelaelo tsohle tsa ka li patiloe selibeng. Morena, ke a tla. Ke a e lumela. Ke hata hantle holim'a Lentsoe bosius bona, 'me ke tlil'o e lumela ka pelō eohle ea ka. Ke U nka Lentsoeng la Hau."

<sup>257</sup> Mosali e mong ea theko e thata o eme mona aletareng, ho—ho kholisa Molimo hore o ikemiselitse. Na le ke ke la tla, lōna ba neng ba inamisitse lihlooho tsa lōna, 'me le phahamisitse matsoho a lōna, 'me le batlile ho hopoloa thapelong? Na le ka nyolohela mona feela? Molimo a u hlohonolofatse. Nyoloha feela. Ke eona. Nyoloha hantle feela u eme mona. Ho re, "Ke tla tlil'o e palama. Molimo, U entse tsepiso, ntho e thefutse pelōng ea ka, 'me joale ke tla hantle ho e palama. 'Me ke tla e tiisetsa hantle hofihlela e mphihlisa hantle liahelong. Ke theohela hantle liahelong tsa bahalaleli ba Ea Holimōlimō." Molimo a u hlohonolofatse. Ke botle. Tloo hantle joale, lōna ba batlang ho e palama. Kamoo u leng kateng feela, "Ke tla ke le feela, ke sa kōpe letho."

<sup>258</sup> Hopola. U re, "Na seo ke sefate?" E. Sefate se kile sa rengoa, khetlo le leng, 'me sa boela sa hlongoa Kalvari. Qhomela sefate seo bosius bona, ka lipallo tsa Molimo, Lentsoe le neng le leketlile sefateng.

<sup>259</sup> Ke palame holim'a eona. Ke tlil'o e lumela, ka pelō ea ka eohle. Hakaalo ke batla ho tla mona le ho tsukutlana le baena ba ka ka matsoho.

<sup>260</sup> Molimo a u hlohonolofatse, ka kemo ea hau e khabane. Ke batla le lule mona, nakoana feela, re sa rapela. Molimo a u hlohonolofatse, moena oa ka. Khaitseli ea ka e theko e thata, Molimo a u hlohonolofatse. Morena Jesu...?... Molimo a u hlohonolofatse, moena oa ka. Molimo a u hlohonolofatse, khaitseli. "Ntsamaise." Ho u tshelia noaka koana.

<sup>261</sup> Hopolang, joaloka mohlanka oa Kreste, ke jere boikarabelo ba therø ea Lentsoe. Ke jere boikarabelo ba bopaki ba ka. 'Me na nka ema mona bosius bona...

<sup>262</sup> Le monna oa lilemo tse mashohlano-hlano, kapa mashohlano-tharo, ke tšoara mashohlano-nne ka 'Mesa, le ho ema mona le ho tseba taba seo, esita le pono ena ea ho qetela, ana ekaba matsatsi a 'maloa a ka lefatšeng. Nka—nka le siea matsatsing a 'maloa. Ha ke tsebe seo se bolelang. Mamelang teipi feela le ntano rala qeto ea lõna. Ha ke tsebe seo e se bolelang. Na nka ema, le ho lumela kammoho hore ekaba melaetsa ea ka ea ho qetela eo ke e rerang, hantle mona Phoenix, le ho bua taba e phoso, athe ke tseba phello ea ka e larile koana, 'me ke tla ahloaloa ka mantsoe a ka?

<sup>263</sup> Baena besõ, e reng ke le bolelle, le lõna likhaitseli tsa ka. Le kile la etela likōpano tsa ka. Le tseba seo, temoho ea moea le lintho. Na nkile ka le bolella taba, ka Lebitso la Morena, haese e hlahileng? Nka botsa mang le mang. Che, monghali. Lefatše ho pota, le ka lipono tse likete, ha eso etsahale. 'Me ke le bolella 'nete bosiung bona, Mali a Jesu Kreste a mangata a lekane ho hlakola sekoli sefe le sefe, 'me ho tla ba joalo.

Se teng seliba se tletseng Mali.

Mme ueme ho Sona joale.

A montsoeng metsong ea Emmanuel,

Ntho feela e tiileng e setseng lefatšeng.

Ba'libe ba inoang leqhubung leo,

Ba lahla koli eohle ea molato.

<sup>264</sup> Ke tla kõpa bareri bana joale, le baena, ho tsoela kantle mona har'a batho bana. E ka bang mang . . . Na ke ona mokhoa, oa ho bitsa bareri ho rapella batho? Bareri bohole ka mona, ka hona, ba batlang, na thahasella ho bona meeaa e pholosoang, tloong koano le eme joaloka sehlopha sa thapelo, moo re ka itlamang hammoho, ho sutha ho sohle sesele, le ho ikarohanya. Bana ke banna le basali ba tiisang pheletso ea bona, bosiung bona, ka Mali a Jesu Kreste, ho Mo nka Lentsoeng la Hae, ho palama ho nyolohela ka pel'a Sefahleho sa Hae, holim'a Lentsoe la Hae, le ho re, "Ke 'na enoa, Morena. Ha ke nehele letho haese sebele sa ka, nkuke ke hona." Na le ka tla ema le bona, ka kõpo? Mang le mang ea ka batlang, ho tla le ho ema. Molimo a le hlohonolofatse, baena ba ka. Ho lokile haholo. Ke rata ho bona banna ba linatla, ba thahasellang meeaa. Ke a kholoa, baena besõ, ke botle boo. Le ka khohlela hantle ka mathoko. Ke bokhabane. Emang ka mathoko. Rõna joale ha re . . .

<sup>265</sup> Ha seletsi sa piano se ka letsaa 'mino, ka kõpo, ha re bineng sefela sena, hamonate joale, ka phalimeho, ka tšabo.

<sup>266</sup> Ha re a tlela khopolotaba ea mofuta. Ha re a tlela ntho ea e—e—boipaho tumelo. Empa re kena ka pel'a Sefahleho sa Molimo, Jehova Molimo eamatlaohle, Ea tšepisitseng, ho re, "Moo ba babeli kapa ba bararo ba phuthehileng ka Lebitso la Ka, le 'Na ke teng mahareng a bona." Bua le Eëna joalokaha u qoqa le

motsoalle oa hau, ho re, "Morena, ke masoabi. Ke entse sebe."  
'Me re thil'o bina.

Se teng Seliba se tletseng Mali,  
A montsoeng metsong ea Emmanuel,  
Ba'libe ba inoang Leqhubung leo,  
Ba lahla koli eohle ea molato.

Lesholu leo le shoang letsatsing leo  
Le thabetse ho bona Seliba seo;  
'Na joaloka lona, leha ke le soto,  
Teng ke hlatsoe libe tsa ka tsohle.

Esale ka tumelo ke bona Seliba seo  
O tlatoang ke maqeba a Hao,  
Lerato le lopollang esale e le lepetjo la ka,  
E tla ba lona hofihlela ke shoele.

<sup>267</sup> Inyenyefatse joale haholo joale. Ha u letho. Ha ho le a mong oa rōna ha re letho. 'Me joale ka botšepehi, ka lipelō tsohle tsa lōna, inamisang lipelō tsa lōna le lihlooho, hohle, holim'a mohaho.

<sup>268</sup> Ntata rōna ea Maholimōng, ke tseba Mantsoe a Hau a lōkile hakaale. A ke ke a hloleha. Ke Lentsoe la Molimo. Oona ke Molimo. 'Me U boletse, "Ea tlang ho 'Na, Nke ke ka mo lahlela kantle." 'Me banna bana le basali, ba tlas'a tsuo, ba itseba ba sa lōka, ba tsoetse kapele, bosiusing bona, Morena, ho ipolela hobane ba phoso, ba itseba ba futhisitsoe ke maikutlo a itseng a kahare a—a ba memileng ho tla Selibeng. 'Me ke bana ba eme, ba inamisitse lihlooho le lipelō, ho noa metsi a Bophelo, ho se tefiso, oona a tšepisitsoeng ke Molimo. Ba amohele, Ntate, 'Musong oa Hau. Ke ba Hau.

<sup>269</sup> U boletse, "Ha ho ea ka tlang ho Nna a sa huloe ke Ntate oa Ka pele. Me bohle bao Ntate a Neileng bona ba tla tla ho Nna." 'Me hoo ho supa bana ba filoe Kreste ke Molimo, e le neo ea lerato. 'Me ba eme mona, Morena. "Ha ho ea ka ba utlang letsohong la Ka." Mme ke a rapela, Molimo, hore U tle u ba sireletse bosiusing bona, ba sa eme mona, le ho ba neha kolobetsø ea Moea o Halalelang ba sa eme mona aletareng.

<sup>270</sup> Matla a maholo a Kreste a tlatse maphelo a bona hakaale joale! Ba ipoletse. Ba tsoela kapele. U itse, "Ea Mpakang pel'a batho, le 'Na ke tla mo paka pel'a Ntate oa Ka le Mangeloi a halalelang." Re a tseba hoba mosebetsi oo o a phethisøa.

<sup>271</sup> Joale, Morena, ba tiiseletse 'Musong oa pallo, ea Moea o Halalelang. Aba sena, Morena. Ba tšollele Moea oa Hau, le ho ba tlatsa ka Moea oa Molimo o phelang, e tle e be mapaki a phelang matsatsi ohle a ho phela ha bona, nqa 'Muso oa Molimo.

<sup>272</sup> Joale mokhupi o eme. E mong le e mong a rapele joale. Re tla rapela hore bana . . .

<sup>273</sup> Joale, e mong le e mong oa lōna ba nyolohetseng mona bosiung bona, le ikutloile le jere sebe pelōng tsa lōna, joale le ke ke la etsa letho haese ho lumela seo. O Halalelang . . . Sena le se amohela ka tumelo. Ena ke tumelo, eo le e amohelang. Jesu o boletse, “Ha ho ea ka tlang ho Nna ha a sa huloe ke Ntate oa Ka pele. Mme bohole ba tlang ho Nna,” O tla e amohela. A ke ke a etsa letho lesele, hobane O e tšepisitse. Le a bona? Le se ke la itšetleha holim’ a tšisimoho joale. Itšetlehe ka Lentsoe la Hae. Le a bona? Lentsoe le boletse joalo.

<sup>274</sup> “Ea utloang Mantsoe a Ka ’me a lumela ho Ea Nthomileng, o na le,” lekhathe-le-joale, “Bophelo ba kamehla, ’me a ke ke a tla Kahlolong, empa o tlohile lefung ho kena Bophelong.” Moea o Halalelang ke boiphihlelo ba ho tlatsoa le ho natlafatsoa ka matla a tšebetso. Empa maipolelo le ho amohela Kreste ke ho ba le tumelo le ho ipolela, le ho ikutloa tokoloho e reng Molimo o u tšoaretse libe.

<sup>275</sup> ’Me holim’ a motheo oa Lentsoe la Oona, O itse, “Ha ho ea ka tlang ho ’Na pele Ntate oa Ka a mo hula.” Le a bona? Joale, Molimo o le hutse, pele. “’Me ea tlang ho ’Na, Nke ke ka mo lahlela kantle.” Le a bona? Le a bona? Uena, u e amohetse. Ntho e le ’ngoe, u na le . . .

<sup>276</sup> Èèna, O le shoetse. Libe tsa lōna li tšoaretsoe, lilemo tse sekete le makholo a robong tse fetileng. Le mpa le tla joale ho amohela seo A le etselitseng sona. Le a bona? ’Me na le a lumela hobane O shoetse libe tsa lōna? Na le tla Mo amohela joaloka ka pheko ea lōna? Ka mantsoe a mang, u Mo amohela, joalokaha A nkile libe tsa hau.

<sup>277</sup> Na le tla thaba le Mo lebohe ka ho nka libe tsa lōna? Le a lumela O entse hoo? Ka hona phahamisa letsoho la hau feela, le ho re, “Ke a lumela O nka sebe sa ka,” amen, “ho nka sebe sa ka.” Ho lokile.

<sup>278</sup> Joale, joale u nkhetheng oa kolobetso ea Moea o Halalelang.

<sup>279</sup> Haeba u eso amohele kolobetso ea Bokreste, e mong oa banna bana mona o tla hlokomela hoo, hore le sebeletsoe kolobetso ea Bokreste.

<sup>280</sup> “Empa joale ea re Petrose a sa bolela mantsoe ana, le pele ba kolobetsoa; ea re Petrose a sa bolela mantsoe ana, Moea o Halalelang oa theohela holim’ a bona.” Hobaneng? Bohle ba ne ba lutse tlas’ a tebello. Joale le lutse tlas’ a tebello. Hona joale le batla ntho e tla—e tla le tiiseletsa ’Musong oa Molimo, ntho e tlang ho fetoha sebele ho uena. U batla ho amo—. . . Ana ha u batle ho amohela Moea o Halalelang, e mong le e mong oa lōna? Ana ha le o batle? Ehlide, le etsa joalo. Ao ke matla a lōna a bolokang. Le a bona?

Ba ne ba phuthehile phaposing e kaholimō,  
 Ba ntse ba rapela Lebitsoong la Hae, ona...  
 Ba kolobetsoa ka Moea o Halalelang,  
 Me matla a tšebeletso a fihla.

<sup>281</sup> Le a bona? Oh, ke sona seo re se batlang joale. 'Me le ka se fumana, hona joale. Se etselitsoe lona, hona joale.

<sup>282</sup> Joale, baena, nyolohang. Ha rōna, e mong le e mong joale, re behe baena bana matsoho a rōna, le ho rapela hore ba fumane Moea o Halalelang. Nyolohang, baena. Nyolohang hantle.

<sup>283</sup> Joale, phutheho eohle, phahamisang matsoho a lōna joale, e mong le e mong!...?...

<sup>284</sup> Ntata rōna ea Maholimōng, ka Lebitso la Morena Jesu Kreste, tlatsa pelō e 'ngoe le e 'ngoe mona ka kolobetso ea Moea o Halalelang.

<sup>285</sup> Amohelang Moea o Halalelang. Amohelang Moea o Halalelang, batho bana ba emeng mona ba shebeletse Boteng le matla a Molimo ho tlallana maphelong a bona. 

*TEROMPETA E HLAHISA MOLUMO O SA KHETHOENG* SST63-0114  
(A Trumpet Gives An Uncertain Sound)

Molaetsa wona, ka Moena William Marrion Branham, o rerilwe sethatong ka Senyesemane Mantaha mantsiboea, Pherekong 14, 1963, mane Christian Assembly, Phoenix, Arizona, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)